



Эркин юрт

Ўзбекистон Халқ Ҳаракатининг расмий нашри
Мулқот учун E-mail: erkinyurt@uzxalqharakati.com

#23 30.03.2012

“Чўлпон” МУХОЛИФ ЁШЛАР ТАШКИЛОТИ ТОШКЕНТДА ФАОЛЛАШМОҚДА



Ўзбек ёшларидан иборат, ўзларини “Чўлпон” деб атаган гуруҳ тошкентда норозилик руҳидаги варақаларни таратди.

Мухолифатдаги Ўзбекистон Халқ Ҳаракатининг Ўзбекистондаги ёшлар қаноти деб тақдим қилинаётган ва ўзларини “Чўлпон” деб атаган гуруҳ 27 март куни Тошкентда варақалар тарқатгани айтилмоқда.

Бу варақалар билан бирга Ўзбекистон халқ ҳаракатининг расмий нашри “Эркин юрт” газетаси ҳам Тошкентда тарқатилган.

“Чўлпон” ташкилотига бириккан ўзбек ёшлари Тошкентнинг Юнусобод мавзесида жойлашган “Мегапланет” дўкони олдида автомобил ва таксиларнинг ойналарига “Эркин юрт” газетасининг навбатдаги сони ёпиштириб кетилгани акс этган фотосуратлар Озодликка етиб келди.

Варақаларда ҳукуматнинг киракашлар ва таксичилар фаолиятига оид чекловларга бўйсунмаслик чақириғи чоп этилган.

Варақалар тарқатилганидан кейин дўкон олдида бир неча

киши ҳибсга олингани хабар қилинмоқда.

“Эркин юрт” газетаси муҳаррири Камолитдин Йўлдош Озодлик билан суҳбатда Ўзбекистондаги норозилик тадбирлари тафсилотларига тўхталди. “Чўлпон” ёшлар гуруҳи 2012 йилнинг 16 январ куни тузилгани билдирилди.

“Чўлпон” ташкилоти 1992 йилнинг 16 январ куни Тошкентдаги талабалар ҳукумат кучлари тарафидан ўққа тутилган кун хотирасига тузилганини ўз баёнотларида билдиришган эди.

1992 йилнинг 16 январида Тошкентда минглаб талабаларнинг норозилик чиқиши қонли намоишларга айланиб кетган эди. Ҳукумат кучларининг талабаларга қарата ўт очиши оқибатида, расмий маълумотларга кўра, икки киши ҳалок булган, ўнлаб одамлар яраланган.

Бу ҳолат Ўзбекистонда ёшлар сиёсий фаоллиги сусайишига олиб келгани кузатилди.

1987 йилдан 1994 йилгача ўзбекистонда “Эркин ёшлар уюшмаси”, “Туркистон ёшлар дунёси” каби ёшларнинг мухолиф гуруҳлари фаолият юритган.

ТОШКЕНТДА МУХОЛИФАТЧИ ЁШЛАР “ЭРКИН ЮРТ”НИ ТАРҚАТГАНЛАР

Ўзбекистон Халқ Ҳаракати хабарига кўра, Ҳаракатнинг “Чўлпон” номли ёшлар ташкилоти фаоллари Тошкентнинг Юнусобод мавзесида жойлашган “Мегапланет” тижорат маркази ўнгида автомобил ва таксиларнинг ойналарига “Эркин юрт” газетасининг навбатдаги сонини ёпиштириб кетганлар.

(Давоми 2-бетда...)

КАРИМОВ РЕЖИМИ ҚУЛАШ АРАФАСИДА

Айнан шу сабабли яқинда давлатнинг энг муҳим органи бўлмиш иккита ташкилот раҳбарлари ўз вазифаларидан истеъфо қилиш ҳақда аризаларини президентга тақдим этишди.

(Давоми 3-бетда...)

ХАЛИФАЛИК ЁКИ ИСЛОМИЙ СИЁСАТИНИНГ ЎЗАГИ НИМАДА БЎЛИШИ ЛОЗИМ

Ҳар қандай Халифалик шакли бугунги Жаҳон Системасининг узвий (интеграл) бир парчаси бўлиб қолаверади. Мана сизга моҳиятни очувчи қалит сўзлар: “Жаҳон Системасининг парчаси”!

(Давоми 4-ва 5-бетда...)

“ЎЗБЕКИСТОН КЕЛАЖАГИ БУЮҚ ДАВЛАТ. КЕЛАЖАК ҚАЧОН КЕЛАДИ?”

“Ўзбекистон-кеलाжаги буюқ давлат” ибораси 22 йилдан буён ҳукм сураётган Каримов режимини асословчи сохта афоризм бўлиб келмоқда. 22 йилдан бери Ўзбекистон халқи мана шу чўпқакни эшитиб чарчамади.

(Давоми 6-бетда...)

ОТАСИНИНГ ҚИЗИ

Гулнора ўзининг Форум-вакфи учун Тошкент ҳокимияти биносини тортиб олди. Ҳокимият маҳкумона бир итоткорлик билан эски Тошкент Шаҳар ижроқўмининг биносига кўчиб ўтди.

(Давоми 7-бетда...)

ОЧИҚ ЖАМИЯТ ҲАҚИДА ОЧИҚ ФИКР

Биз, Аллоҳнинг ёрдами билан, Ўзбекистонда очик бир жамият қуришга сафарбар бўлганмиз.

(Давоми 7-бет)

ТОШКЕНТДА МУХОЛИФАТЧИ ЁШЛАР ТАКСИЧИЛАРГА ВАРАҚА ТАРҚАТГАНЛАР



тарқатишган. Шов-шув бўлган ана шу жойда, милиция келган: дуч келган одамларни, мардикорларни ушлаб олиб кетган. Ваҳоланки, мардикорларнинг бу акцияга мутлақо алоқаси бўлмаган”, - дейди муҳаррир. Унинг айтишича,

Мухолифатдаги Ўзбекистон Халқ Ҳаракати ўзининг расмий нашри бўлмиш “Эркин юрт” газетасини Ўзбекистон ичида тарқатишга муваффақ бўлганини маълум қилган.

Халқ Ҳаракати хабарига кўра, ҳаракатнинг “Чўлпон” номли ёшлар ташкилоти фаоллари Тошкентнинг Юнусобод мавзесида жойлашган “Мегапланет” тижорат маркази ўнгида автомобил ва таксиларнинг ойналарига “Эркин юрт” газетасининг навбатдаги сонини ёпиштириб кетганлар.

Газета бош саҳифасида ҳукуматнинг қирақашлар ва таксичилар фаолиятига оид янги тартибга бўйсунмаслик чақириғи чоп этилган.

2011 йил май ойида ташкил этилган Ўзбекистон Халқ Ҳаракати ўзининг асл мақсади Президент Ислам Каримов ҳукуматини тинч йўллар билан ағдариш эканини айтиб келади. Унинг раиси Туркияда истикомат қилувчи мухолиф сиёсатчи Муҳаммад Солиҳдир.

“Чўлпон” ташкилоти эса жорий йилнинг 16 январидан ўзига асос солинган ҳақида баёнот тарқатганди.

“Эркин юрт” газетаси муҳаррири Камолитдин Йўлдош Би-би-си билан суҳбатда айтишича, ёшлар ташкилоти Фейсбук ижтимоий мулоқот саҳифаси, ўз вебсайти, ҳамда тўғридан-тўғри амаллари билан мухолифат баёнотларини Ўзбекистонда тарқатмоқда.

“Биз Ўзбекистондаги таксичиларга бўлаётган ҳақсизлик ва адолатсиз ҳақида ёзиб, Халқ Ҳаракатининг уларга чақириғини газетамизда эълон қилгандик, газетамизнинг ана шу сонини Юнусободда

мазкур мухолифатчи ёшларнинг Ўзбекистонда ишлаш услублари “эски услублар”дан фарқ қилади ва акциялар “горизонтал” равишда амалга оширилади.

“Алоҳида мустақил гуруҳлар ишлайди, улар бир-бирини танимайди, ҳаттоки алоқаси ҳам йўқ.

Буларнинг ҳаммаси Ўзбекистон Халқ Ҳаракатининг марказидан туриб координация қилинади”, - дейди у.

У ёшлар акцияларини четдан мувофиқлаштириш осон эмаслиги, бироқ алоқа жихатидан муаммога дуч келинмаганини айтади.

Жаноб Йўлдош акциялар ҳаракатининг Ўзбекистондаги аъзоларини фавқулодда хавф остига қўяётганига қўшилмайди.

“Хавф ҳаммамизга бор: ҳам ичкаридагилар ва ҳам ташқаридагилар. Ичкаридаги кишилар жуда кўп айтишадки, “ташқарига чикволиб, бемалол гапириш осон” деб. Йўқ, бу осон эмас. Мана ўтган йили бизнинг Россиядаги фаолимиз суиқасдга учради, ҳалигача унинг қотили топилмади. Швецияда Обидхон қори акага суиқасд бўлди, ҳалигача қотиллик ижрочиси маълум эмас”, - дейди у.

Камолитдин Йўлдош ҳаракатларнинг ортида Ўзбекистондаги бугунги режимни ўзгартириш ғояси тургани ва бу ҳаракатга инсонлар ўз ихтиёрлари билан аъзо бўлаётганларини айтади. “Ичкаридаги ёшлар содда, ким нима деса ишониб кетаверадиган ёшлар эмас, улар олий маълумотли, ҳам дунёвий ва ҳам диний илмларни теран ўрганган кишилар.”

ББС радиосининг ўзбек хизмати.

МОЛОДЕЖНОЕ ДВИЖЕНИЕ «ЧУЛПАН» АКТИВИЗИРУЕТСЯ В ТАШКЕНТЕ

Официальное издание Народного Движения Узбекистана «Эркин Юрт» получает все большее распространение внутри Узбекистана. В этом оказывает свое активное содействие оппозиционно настроенная молодежь. Сегодня активисты молодежного движения «Чулпан» распространили последние номера оппозиционной газеты возле торгового центра «Мегапланет» в Юнусбаде (Ташкент).

«Сегодня наши ребята вышли, уповаю на Всевышнего, и уже не волновались», говорит один из участников акции в беседе нашему корреспонденту в Ташкенте. На первой полосе распространённого издания размещено обращение НДУ к таксистам с призывом восстать против беззакония властей (21-номер газеты «Эркин Юрт» — ред.).

Газету расклеили на такси и автомашинах возле ТЦ. По словам очевидцев, подбежала милиция, подняла тревогу и тут же арестовала бедных мардикеров, которые здесь, как говорится, были «не при делах».

Напоминаем, молодежное движение «Чулпан» впервые заявила о себе в январе этого года, распространив Манифест, где, в частности, говорится: «Расстрел студентов 1992 года был как бы водоразделом: он означал конец той кратковременной «оттепели», которая наблюдалась после объявления независимости Узбекистана... Сегодня нам, кто родился в январе 1992 года исполнилось 20 лет. Мы — наследники той мужественной плеяды молодёжи 1990-х годов — тоже требуем того же — СВОБОДУ».

Страница молодежного движения «Чулпан» на Фейсбук: <https://www.facebook.com/profile.php?id=100003596233982>

Отдел оперативной информации НДУ

КАРИМОВ РЕЖИМИ ҚУЛАШ АРАФАСИДА



Каримов режими қулаш учун тайёргарлик кўрмоқда. Америка ва Европа Иттифоқи 2005 йилда қабул қилган ўз санкцияларини бекор қилиб, унга ёрдам бера бошлаганига қарамай; бу ёрдамлар Каримовни юрт ичи ва ташқарисидаги муҳолифларга қарши янги репрессияларга илҳомлантираётганига қарамай, мустабид режим қулаш учун тайёргарлигини бошлади. Бугун режимнинг барқарорлигига ишонган бирорта давлат тизими йўқ. Ўз келажагига ишонган битта ҳам маъмурни тополмайсиз бу тизимларда. Улар порахўрлик ва коррупциянинг баҳайбат машинасининг кичик мурватлари ўлароқ, фақат бугунги кун билан яшамоқдалар ва ўз чўнтақларини тезроқ, шоша-пиша байтулмолдан тўлдириш учун уннамоқдалар холос. Яқинда 15 йиллик оғир қамоқ жазосига тортилган давлат маслаҳатчиси Равшан Муҳиддинов Каримов режимининг Каримовдан бошқа ҳеч кимга бундай жазо олмаслигига кафолат бермаяжани яна бир марта тасдиқлади. Айнан шу сабабли яқинда давлатнинг энг муҳим органи бўлмиш иккита ташкилот раҳбарлари ўз вазифаларидан истеъфо қилиш ҳақда аризаларини президентга тақдим этишди. Улардан биттаси Ички Ишлар Вазири генерал Матлубов бўлса, иккинчиси Миллий Хавфсизлик Хизмати Раиси Иноятовдир. Ҳар иккаласи ҳам истеъфо қарорларини касалликлари билан изоҳлашди. Бу каби баҳонанинг самимиятига ҳеч ким кафил бўлолмайди албатта. Аммо Иноятовнинг узоқ йиллардан бери шакар диабетига мубтало эканлиги маълум. Бу касаллик шу қадар хуруж олган-ки, яқинда докторлар Иноятовнинг оёғи кесилиши кераклиги, агар кесилмаса гангрена хавфи борлигидан огоҳлантирганини биламиз.

Айтишларича, бу машъум хабар “Тошкент клани” ҳисобланган тўданинг кўзга кўринган лидерлари Шавкат Мирзиёев ва Зелимхан Хайдаровларни қаттиқ саросимага солган. Чунки бутун ўлкани ўз “қалпоғи” остида тутган ташкилот шефи Р.Иноятов сўнгги йилларда бу икки шахснинг давлатдаги асос таянчи бўлиб қолганди. Ш. Мирзиёев ва З. Хайдаровлар, агар Иноятов кетса, “парда орқасидаги ҳокимият” ёш, ҳукмронликка ҳирсли генерал, Иноятовнинг биринчи муовини Шуҳрат Ғуломов (у ҳам Тошкент кланига мансуб) кўлига ўтишидан қурқишади. Боз устига, Ш. Ғуломов “Папа”нинг эркатойи Гулнора Каримова билан апоқ-чапоқ бир мақомдаги киши, Гулноранинг бутун майда-чуйда эҳтиёжларини дарҳол қондирадиган бир учар. “Парда орқаси”нинг бу маълум персонажлари орасидаги курашни “Тошкент клани” ичидаги курашлар дейиш мумкин. Чунки Фарғона ва Самарқанд “клан”лари бугунги сиёсий-иқтисодий гуруҳлашувда кўзга чалинмай қолаяпти. Майдонда от сураётганларнинг аксарияти Тошкент “клан”ига оид. Бугун у кланларнинг энг каттаси. Балки катталиги учун ҳам бу клан 4 парчага бўлинган. Биринчи парча – МХХ раиси Рустам Иноятов, иккинчи парча – Рустам Азимов, учинчи парча – МХХ нинг ёш генерали Шуҳрат Ғуломов, тўртинчи парча – МХХ нинг “Хавфсизлик Бўлими” бошлиғи генерал Ҳаёт Шарофхўжаев етакчилигида фаолият кўрсатмоқда. “Озодлик” радиосининг хабарига кўра, Равшан Муҳиддиновни Иноятов гуруҳи қаматтирган. Бизнинг тадқиқларимизда бу хабар ўз тасдиғини топмади. Муҳиддиновга қарши “компрогат”ни генерал Шуҳрат Ғуломов тайёрлагани ҳақда жиддий далиллар бор. Бу ёш генерал Муҳиддиновни қаматиш билан Ш.Мирзиёевни клани ичидаги муҳим таянчларининг биттасидан мосуво қилгани энди сир бўлмай қолди. Ҳа, Каримов МХХ раиси Иноятовнинг истеъфо аризасини қабул қилмади ва у Каримов ва ўз касаллиги исканжасида болға ва босқон орасида каби вазифасини давом эттираяпти. Ички Ишлар Вазири Матлубовга келсак, у ҳар ҳолда чўкаётган кемадан вақт борида қочиш

пайига тушган. ИИВ ташкилот сифатида МХХ билан рақобатда энгилди, унинг бутун ҳарбий тизимлари ММХ га олиб берилди, яъни мавжуд сиёсий конъюнктурада ИИВ нинг келажаги у қадар ҳам порлоқ кўринаётгани йўқ. Шунга қарамай, Каримов ИИВ вазирининг истеъфо талабини қондирмади. Ўзбек диктатори вазирга айнан шундай деди: “Мен ҳали ўлганим йўқ, сен ҳам ўлмайсан. бир оз сабр қил, оз қолди”. Ҳақиқатан ҳам, бироз сабр қилиш керак. Оз қолди. Фақат Каримов ва унинг вазирлари учун эмас, халқ учун ҳам кутиш муддати озаймоқда. Гарчанд, Тошкент мустабиди ўз ҳокимиятини юмшоқ бир услубда топшириш учун у ўлганда тобутига тепмайдиган, орқасидан тупурмайдиган бир ворис ахтараётибди. Сўнгги хабарларга кўра, Каримов ўз ворисни танлаган, бу ворис – Рустам Азимов эмиш. Бош Вазирнинг биринчи муовини Рустам Азимов. Бу киши Ислом Абдуғаниевичнинг фикрига кўра, қизи Гулнорага энг тоқатли ёндоша оладиган тип. Гулнора учун эса бўлажак ҳукуматда Бош вазир мақоми кўзда тутиляпти. Жорий Бош Вазир Мирзиёев учун эса Тошкент вилояти ҳокимлиги мўлжалланмоқда экан. Бу хабар биринчи қўлдан, ишонарли хабардир. Аммо Каримов бугун шундай қарор қабул қилган бўлса ҳам, унинг бу қарорни бир йил сўнгра ёки ҳатто ярим йил, ҳатто бир ой сўнгра ўзгартирмаслигига ҳеч кафолат йўқ. Каримов ўз сўзини камдан-кам тутадиган шахс. Нима бўлганда ҳам, Каримов у ёки бу шаклда яқинда иқтидордан кетади. Муҳими унинг бу кетиши қандай шаклда бўлишидир. Қонли шаклдами, қонсизми – бу муҳим. Муҳолифат ўзбек диктаторининг қонсиз, уруш-жанжалсиз кетиши тарафдоридир. Диктаторларни ағдаришнинг “араб варианты” бу жараённинг тинч йул билан амалга ошишининг анча маҳол эканини намоиш этди. Бошқа тарафдан, бу “вариант” диктаторларга қарши қуролли кураш жиноят эмаслигини кўрсатди, бундай курашни дунёда машруъ қилди. Бу муҳим, тарихий бир машруъиятдир.

ҲАЙДАР ЖАМОЛ: ХАЛИФАЛИҚ ЁКИ СЎНГГИ ТАРИХИЙ БОСҚИЧИДА ИСЛОМИЙ СИЁСАТНИНГ ЎЗАГИ НИМАДА БЎЛИШИ ЛОЗИМ

Ислом тарихидаги сўнгги халифалик – Усмонлилар халифалиги 1924 йилда тугатилди. Абдулмажид II, бироз аввал султонликдан воз кечган бўлиб, бироз муддат халифа мақомини сақлаб турди ва турк жумҳуриятчи(лаикчи)лари босими оқибатида бу мақомдан ҳам воз кечди ва сургунга кетишга мажбур этилди. Ўз тарихининг сўнгги асрларида ҳуқуқий жиҳатдан Усмонлилар империяси деб тан олинган ҳудудлар тузланган тери каби торайиб бораётганди. Унинг таркибидан бирин-кетин Шарқий Европа ўлкалари чиқа бошлади (бир вақтлар империя таркибига Руминия ва Венгрия! ҳам кирарди ахир). Аммо фақат буларгина эмас, мусулмон диёрлари ҳам Истанбул таъсиридан чиқиб қолаётган эди: Мағриб ўлкалари, Судан ва Миср шулар жумласидан. Бирок бу ўлкалар империядан чиқиши биланок Британия, Франция ва Италия мустамлакаларига айланиб қолаётганди. Халифаликнинг таъсири, албатта империя чегараларидан узоқ-узоқларга узайган эди. шунга айтиш кифояки, Усмонли халифалигининг энг содиқ тарафдорлари Ҳиндистон мусулмонлари бўлди – ваҳоланки, улар нафақат бир ярим аср Англия асоратида эдилар, балки Бобур империяси остида Усмонлилар билан ҳеч қандай алоқаси йўқ эди.

Усмонлилар халифалиги Биринчи жаҳон урушигача етиб келган кесилган ва бузилган шформатида ҳам мусулмонларнинг, ҳеч бўлмаганда империя чегаралари ичида қолаётган мусулмонларнинг, тўғридан-тўғри Ғарб мустамлакаси ҳукмронлигидан ҳимоячиси бўлиб қолаётган эди. Айнан ана шунинг учун Осиёнинг олд қисмида мусулмонлари ўз бўйинларида Европанинг қуллик кишанларини кўрмаганлар. Афсуслар бўлсинки, Усмонлилар ҳудудидан ташқарида қолаётганлар, фақат ташқаридан тикиштирилган аксил-ислом миллиятчилиги оқибатида турклардан алоқани узган мусулмонларгина эмас, балки мўғул жоҳилларининг босқини натижасида бутун Европа ва Осиё ҳудудларида “эркин сузиб” юрувчиларга айланишган жуда катта миқдорда бошқа мусулмонлар ҳам бор эди. Буларга Марказий Осиё, Тинч океани Ислом ареали аталмиш ерлар, мусулмон “Қора Африка”, яна ўша маҳаллий аҳолининг тинч йўл билан ассимиляция бўлишини инглиз босқини тўхтатиб қолган Ҳиндистондаги мусулмонларни ҳам қўшиш лозим бўлади. Мустамлакачи оёғи остига тушиб қолган тупроқлар сирасига Кавказ ҳам кирарди.

Мана шу манзарада, бугун жуда кўпчилик мусулмонлар Халифаликни, шу билан бирга, муқаддас мақомдаги ягона халифани қувватли ва мукамал ташкил этилган ҳамда барча фуқароларни ҳимоя қилишга қодир империя билан боғлаб, қайта тиклаш лойиҳасини нима учун қўллаб-қувватлаётгани тушунарли бўлади. Ҳақиқатан ҳам тоғутлар оёғи остида яшаш, цивилизация ва маънавий таҳқирлар, полициянинг доимий тозалашлари, ҳатто мустақил дейилган мамлакатларда яшасанг ҳам, ҳар дақиқада америкаликларнинг ёки французларнинг



бомба ва ракеталар ёмғирларини кутиб яшаш бугун мусулмонларнинг жонига ва гашига тегиб бўлди ҳам ўтиб кетди.

Дунё империализмининг бугунги ҳаракатлари мусулмонларда Халифаликни тиклашга бўлган сиёсий истагини ҳар доимгидан ортиқроқ рағбатлантирмоқда. Бугун бир қарашда шубҳасиз туюлган теологик тезисларга ижобий қарайдиган мусулмон биродарларимиздан жуда озчилиги реал сиёсат устида жиддий ўйлаб кўрадилар. Чунки, биринчидан, мусулмонлар реал сиёсат билан шуғулланишга ўрганмаганлар, ва бу соҳа куфр тарафидан банд этилган дея ҳисоблаб, унинг тадқиқотиغا киришишни истамайдилар. Бирок қонулардан беҳабарлик қонуларни бекор қилмагани сингари, бу масалалар билан шуғулланмаслик ҳам сайёрамизда юз бераётган ҳокимият учун курашнинг шафқатсиз мантигини бекор қилмайди.

Мусулмонлар шунга иттифоқ қиладиларки, Пайғамбаримизнинг (с.а.в.) вафотидан кейин Умманнинг тўртта хулафои-рошидийн умумий ҳисобда 30 йил бошқарганлар. Баъзи олимлар Али ибн Абу Толиб (р.а.)дан сўнгра Ҳасан ибн Али (р.а.)нинг олти ойлик халифалигини ҳам бу ҳисобга қўшадилар. Ҳасан(р.а.)нинг халифалиги ҳам саҳиҳ бўлган. Бу муддат эса, Пайғамбар (с.а.в.)нинг ҳадиси шарифларида кўрсатилган муддатга мос келади. Чунки ҳадиси шарифда ҳақиқий халифалик ўттиз йилу олти ой давом этиши ҳақида башорат қилинган.

Шиалар ҳам, суннийлар ҳам шунга иттифоқ қиладики, тарих сўнггида кутилаётган Маҳдий келади ва ҳақиқий иймон соҳибларининг Дажжолга қарши курашига раҳбарлик қилади. Бу ақида Пайғамбар (с.а.в.) суннатига асосланади. Чунки бир жуда кўп ҳадиси шарифларда Маҳдий ҳақида айтилади ва унинг аниқ аломатлари санаб ўтилади. Албатта, сунний ва шиаларнинг Маҳдий ҳақидаги тасаввурларида баъзи хусусий фарқлар мавжуд, аммо шунга қарамай, иккала тараф ҳам Маҳдийнинг келишига ва уни ҳатосиз таний олиш мумкинлигига ишонадилар.

Маҳди (арабчада “Ҳидоят этилган”, “Тўғри йўлни тутган”) – хулафои-рошидийнларнинг охиргиси бўлади. Пайғамбар (с.а.в.) ҳадисларига кўра, унинг халифалиги замонида “Ер юзи унча қанчалик зулм ва зўравонликлар билан тўлган бўлса, шунчалик ҳақ ва адолат билан тўлдирилади.” Оддий мўминлар орасида, ҳатто жуда покиза ҳаёт кечираётган ва жуда тўғри

ақидага эгаларидан ҳам Маҳдий мақомига номзодни топиш имконсиз: уни умматга Аллоҳ юборади. Шундай қилиб, бугун мусулмонлар раҳбари мақомига кимнинг келишидан қатъи назар, у халифои-рошидин бўлолмайди: ёмон шахсият бўлганидан эмас, балки у оддий одамзотидан бўлгани, инсоний хатоларга эга бўлгани ва куфр дунёсининг фитналаридан қафолатланмагани учун ҳам ҳақиқий халифа бўлолмайди. Масалан, бир олим ёки амир десак, минглаб мусулмонлар манфаати унинг зиммасига юкланган бўлади, бу бир ҳолат, аммо Маҳдийнинг Пайғамбарга (с.а.в.) ворислик вақолатларини тан олиш эса барча уммат учун мажбурий бўлади, бу батамом бошқа бир ҳолатдир. Иккинчи ҳолатда, вақолатларни инкор этиш, ҳар қандай уэр билан бўлмасин, куфрга сабаб бўлади!

Бугунги шароитда Халифаликни тиклаш ва бутун дунё мусулмонларининг пешвоси деган муқаддас бир мақомга муносиб кишини топиш ва уни сайлаш имконсиздир. Илк халифалар саҳобалардан эдилар ва уларнинг сайланишида Аллоҳ таолонинг қадари ва бевосита провиденциал муҳофазаси бўлган.

Демак, бугун Халифаликни тиклаш, энг яхши ҳолатда, таназзул давридаги Усмонлилар халифалигини тиклаш бўлади. Нега айнан Усмонлилар ва нега таназзул даври? Нега энди, масалан, Аббосийлар ва тараккиёт даврини эмас? Чунки, биринчидан, Аббосийлар ҳам рошидийн бўлмаганлар ва уларнинг форматига (айтайлик, ҳижрий 300 йиллар) қайтиш, ва бунинг учун тўқилган дарё-дарё мусулмонлар қонига арзимайди (ваҳоланки, бу қонлар мутлақо тўқилади!) Иккинчидан, аббосийлар даражасига бугун эришишнинг ҳам имкони йўқ, чунки у замонларда Ислом умматига тенг келадиган рақиб йўқ эди, мусулмонлар дунёда энг қувватли жамоа эдилар. У вақтларда мўғуллар ҳақида ҳеч ким эшитишмаган, Ғарб эса тери ёпишиб юрар ва говрон ўйнатишдан бошқа нарсани билмасди. Усмонлининг 19 аср охири ва 20 аср бошларидаги формати бирмунча ҳақиқатга яқинроқ, чунки бугун халифалик куфрнинг ер юзидagi ҳарбий, технологик ва сиёсий ҳукмронлиги вазиятида тузилиши керак бўлмоқда. Бундан қуйидаги хулоса келиб чиқади: Бугунги шароитларда – куфр дунёсининг розилигисиз – Халифалик воқеъликка айланиши (қанийди айланса) мумкинми? Пайғамбаримиз (с.а.в.) ўз даввати билан келганларида, Аллоҳ таолонинг мадади билан фаолият юритгандилар ва шиддатли ички низолар гирдобиди қолган бугун Араб ярим оролидаги қавмларни бирлаштира олдандилар. Бу жараёни, таъбир жоиз бўлса, ўша замоннинг “энг буюк давлатлари” ҳисобланган Византия ва сононий Эрон “кўздан қочириб” қўйдилар. Улар бир-бири билан уруш ҳолатида эди ва улар хушларига келганда, Аллоҳнинг қудрати билан улар учун кеч эди.

Бугун куфр дунёси, ўзининг асосий душмани бўлган Ислом билан муттасил шуғулланиб келади.

(Давоми кейинги бетда)

ҲАЙДАР ЖАМОЛ: ХАЛИФАЛИҚ ЁКИ СЎНГИ ТАРИХИЙ БОСҚИЧИДА ИСЛОМИЙ СИЁСАТНИНГ ЎЗАГИ НИМАДА БЎЛИШИ ЛОЗИМ

(Давоми боши. аввалги бетда)

Шу кунларда Исломнинг ҳаётий марказида АҚШ ҳарбий базалари бор. НАТО ҳарбийлари Месопотамия ва Мовароуннаҳр тупроқларини топтамоқда. Олтин динор, мусулмонлар иқтисодини бирлаштириш учун молиявий база шаклига келтирилмаган; Ливияда фуқаролар уруши, нефт терминаллари НАТО денгиз пиледалари назорати остида. Россия ва Хитой, худди Европа ва АҚШ каби, аксил-ислом қарши уруш қатнашчилари. Бундай бир шароитда Халифаликнинг пайдо бўлиши бир нарсани билдириши мумкин: Ғарб маълум аниқ шартлар асосида бу лойиҳага рози бўлган! Аммо у қандай шартлар? Буни яхшироқ англаб етиш учун, “капиталистик қуршовдаги алоҳида социалистик давлат” бўлган СССРга Ғарбнинг қандай рози бўлганини эслаш лозим бўлади.

Бугун шу нарса маълум ва баҳс-мунозараларга ҳожат қолмаганки, умумжаҳон инқилобидан воз кечгани ва ҳокимиятга Сталин келганидан сўнг, СССР жаҳон империализми учун дунёдаги антикапиталистик ҳаракатларни тийиб туриш ва уни пировардида бағамом тугатиш учун, Жаҳон Системасига хавфли бўлганларни “Кизил империя” номли геттога жойлатириш учун керак бўлганди. 20-асрнинг 20-йилларида СССР Сталин ҳукмронлиги остида Ғарбнинг розилиги билангина вужудга кела олди. СССР ўзининг бутун борлиги мобайнида, жумладан Сталин даврида ҳам, доим Ғарб билан яширин ҳамкорликда бўлди. Англосаксларнинг (яъни Ғарбнинг) қўллаб-қувватлашининг бадалини ўтади ва бу бадал 30 миллиондан ортқ инсон ҳаёти бўлди, ва охир-оқибатда эса АҚШнинг ва уни бошқараётган либерал-спекулятив капитализмнинг ғалабасига олиб келди.

Шу каби тикланмоқчимиз Халифалик? Зеро, куфрнинг қаршилигига қарамасдан Махдийнинг келиши фақат Аллоҳ таолонинг тўғридан-тўғри аралашуви оқибатида содир бўлади. Акс ҳолда, ҳар қандай Халифалик шакли бугунги Жаҳон Системасининг узвий (интеграл) бир парчаси бўлиб қолаверадди. Мана сизга моҳиятни очувчи калит сўзлар: “Жаҳон Системасининг парчаси”! Бугун Жаҳон Системасининг усмонлиларнинг сўнгги даври шаклидаги ва бошқариладиган халифаликни вужудга келтиришга йўқ демаслигини очик кўриб турибмиз. “Ҳизбут-Тахрир”нинг Лондондаги ҳашаматли офиси ҳам, Обаманинг Қоҳиридаги нутқи ҳам, Ғарбнинг махсус хизмат ва махсус ҳарбийларининг баъзи мусулмон гуруҳлари билан ҳамкорлиги ўшандай халифалик тушиш ҳақидаги ишончли дарақлар деб қабул қилиниши мумкин. Бу режалар, бундай халифалик тузиш қайсидир “tand cogroation” да ишлаб чиқилган йўл харитаси, хозирок тайёрланаётган бўлиши эҳтимолдан йироқ эмас.

Баъзи бир софдил мусулмон биродарларимизнинг эътирозини олдиндан тахмин эта оламан, уларнинг тасавури ҳақ ва покиза Ислом ҳукмронлиги идеали билан бир қаторда зулм ва гуноҳларга ботган Ғарбнинг,

айниқса унинг Иблис билан тўғридан-тўғри мулоқотдаги ҳукмрон қисмини тасавурига сиғдира олмайди. Афсуски, Ғарб шундай суякисиз эгилувчан фитналар уюштиришга ўта усмонидир ва у шундай бир ғаройиб юришлар қиладики, оқибатда бизнинг софдил биродарларимизгина эмас, балки учига чиқкан сурбет сиёсатшунос-экспертларни ҳам лол қолдиради. Бунақа халифаликдан Ғарб жуда кўп бонуслар олади. Аввало, бу билан мусулмонларни алоҳида бир сиёсий гетто ёки цивилизацияон анклавга қамайди, (хатто икки ё уч айри халифалик режаланган бўлиши ҳам эҳтимолдан холи эмас, худди энг яхши замонларда бўлгани сингари, Боғдода Аббосийлар билан бир қаторда Қурдобада Уммавийлар халифалиги ва Мисрда Фотимийлар халифалиги мавжуд бўлгани каби). Шундай қилиб, мусулмонлар инсониятнинг бутун тарихи билан ўзаро муносабатда бўлган умумжаҳон марказий куч сифатини йўқотиб, Жаҳон ҳукумати тасаруфидаги буддистлар, конфуцианлар ва америкалик лотино-католиклар қаторидаги шунчаки маданиятларнинг бирига айлантирилади.

Кейин, бу билан мусулмонлар сиёсий ва теологик маънода кескин ва муқобилсиз раҳбариятга эга бўладилар. Бу эса, бир ярим миллиард (бу назарий рақам) мусулмонлар, яғна раҳбарга ва унинг атрофини ўраб олган мужтаҳидларга боғланади. Аслида раҳбарнинг ўзи ҳам улар (бу мужтаҳидлар) устидан ҳукмини юрита олмайди, уларнинг бирортасини алмаштиришга ҳақи йўқ бўлади. Бугун шу нарса маълумки, Ғарб инсон онгини бузувчи, психика форматини бутунлай ўзгартириб юборувчи, ахлоқий демобилизация қилувчи дахшатли технологияларга эгадир. Бу технологиялар воситасида одамзот, оқибатда, бир неча авлод ўтиб, барча ориентирларини йўқотади, ва ўз ота-боболарининг бағамом аксига айланади. Мусулмонлар қаршисида бундай хавф йўқ, дейиш ўринсиздир: кўз ўнгимизда Туркия мисоли бор (мустамлака этилган собик СССР мусулмонларини айтмаса ҳам бўлади). Туркия – халифаликнинг маркази – Мустофа Камол ва издошларининг марказлашган ҳукмронлиги остида бир авлод ўтиши билан араб имлосидан воз кечди, турк тили шунчалар ўзгартириб юбордики, бугунги мактаб ўқувчилар боболари тилини тушуна олмайдиган бўлиб қолди (авлодлар орасидаги уйғунликни йўқотиш, куфр сиёсий психологларининг асосий мақсадларидан биридир); Туркияда кучли либерал – даҳрий(атеист)лар синфи юзага келди, ва иймон келтирган халқни 80 йил ўз уйларида қамаб ўтирдилар; ижтимоий ҳаётда бугунги Ислом факторининг “тикланиши” эса, халқ оммаси истай оладиган минимумдан мудҳиш даражада узокдир. Шунга қарамасдан ҳам баъзилар тарафидан қувонч билан қабул қилинса, бошқалар тарафидан низо ва таҳлика ўлароқ кўрилмоқда. Туркия мисоли шуни кўрсатадики, 600 йил сиёсий Исломнинг мустақкам қояси ҳисобланган бир мамлакатда қандайдир 60 йиллар ичида цивилизацияон ички қурилма(матрицаси)ни ўзгартириб юбориш унчалик ҳам қийин эмас экан. Бунга сабаб, мамлакат марказлаштирилган

ҳокимиятга бўйсундирилганлиги, ҳокимият эса тўлалигича Ғарб тарафидан бошқарилиши эди.

Уммати – башариятнинг тўртдан бирини ташкил этган кишиларни – Шайтоннинг инсоният ичидаги қўли бўлмиш Ғарбнинг жуда катта уринишларига қарамай, онг бузилиши ва қайта шакллантиришидан сақлаётган омил, бугун мусулмонлар яғна манбадан назорат қилинмаётганидир. Улар гўёки бир денгиздир, куфрнинг барча руҳий хуружлари худди “ғалвирда сув олиш”дай бўлиб қолаётган. Энди Халифалик лойиҳаси эса, душманни ожиз қолдирувчи мана шу буюк денгизнинг сувли стихиясини яхлаб қолган муз палаҳасга айлантиришдан иборатдир, чунки у муз палаҳаси учтида истаганча зулм ва маъсиятларни кесиб олавериш мумкин.

Жуда кўп мусулмонлар, Ислом учун бугунги Жаҳон тизимининг бир парчаси бўлиш жуда катта шармандалик ва жиноят эканини англаб етмайдилар. Зеро, Тавҳид Муҳаммад (с.а.в.) ва унинг жамоасига қадар яғна мақсад билан: Шайтон(Иблис) га қарашли бўлган Жаҳон тартибини бартараф этиш учун нозил қилингандир.

Аллоҳ таоло Куръони каримда: “Ҳар бир шаҳарда катта жиноятчиларни унда макр қилиш учун қўйиб қолдирак. Улар сезмаган ҳолда фақат ўзларига ўзлари макр қиладилар, холос.” (Анъом:123) дея буюрган бўлса, бошқа бир жойда эса, қийин туширилаётган ва нотўғри талқин қилинадиган бир оятда Аллоҳ таоло, “Парводигорингизга ва Унинг Расулига, ва ичларингиздан амр эгаларига бўйсунинглар” (Нисо:59), каби буюргандир. Амр, Сиёсий Исломнинг ички ва ташқи душманлари ғараз ният билан таржима ва талқин қилгани сингари “Ҳокимият” маъносига эмас (уларнинг талқини, черков христианларни нималарга ўргатса, Куръони карим ҳам шуни ўргатади: “Ҳар қандай ҳокимият – Худодан”). “Амр” бу контекстга қараб, “буйруқ” ёки “иш” маъноларини берувчи калимадир.

Хулафои-рошидийлар – Абу Бакр, Умар, Усмон, Али (розияллоху анҳум) “амр”, яъни “буйруққа” эга эдилар. Улар саҳоба бўлганлари учун Расулуллоҳ (с.а.в.)нинг шаҳсан ўзларидан бу вақолатни олгандилар. Ана шундай “буйруққа” Махдий ҳам эга бўлади, у буни Яратувчининг бевосита Ўзидан олади. Унғача, орадаги муддатда, янада оддийроқ айтсак, Махдий келгунига қадар, бизнинг замонамизда биз “иш” эгаси бўладиган жамоат амирларига итотада бўлишимиз лозим бўлади. Бу “иш” – сиёсий Исломни тўғри англашга асосланади ва Махдийнинг келишига муносиб жамоа бўлиш учун Глобал адолатсизлик, тубанлик ва ўғрилик тизимига қарши ҳар жабҳада қурашишдан иборат бўлади. Яъни бу “иш” у зот (Махдий) келганида, Қиёмат олдидан, барчамиз вафот этиб, Аллоҳ таоло хузурда қайта тирилишимиз олдидан, бутун коиноти адолат билан тўлдириши ҳақидаги Пайғамбар (с.а.в.) ҳадисларининг рўёбга чиқиши йўлида ҳаракат қилишимиздан иборат бўлади.

Ҳайдар Жамол

ҚУДДУС ХИМОЯСИГА МИЛЛИОНЛАР МАРШИ



Исроилдаги Сионистик режим неча йилдирки Исролда муқаддас ҳисобланмиш ал Аксо масжиди жойлашган фаластин шаҳари Қуддуси Шарифни куч билан қароқчиларча босиб олиб ихота қилиб турибди. Аксо Масжиди ҳам Исроил ҳукумати томонидан ёпиб қўйилган. Фаластинлик мусулмонлар шу йилнинг 30 мартда шу босқинчиликка қарши норозилик сифатида миллионлар Марши юришини режалаштираётдилар. Фаластин инфо сайти тарқатган хабарига кўра бу акция ташкилотчилардан бири Рабхи Халим матбуотга берган билдиришида, бу акцияда 80 та мамлакатдан 2 миллионга яқин мусулмонлар ва мусулмон бўлмаган хайрихоҳлар иштирок этишини маълум қилди. Жумладан Сионистларга қарши АҚШдаги яҳудий раввинлар ташкилоти вакиллари ҳам иштирок этишади. Рабхи Халимга кўра намоишлар асосан Фаластин атрофидаги араб мамлакатларида бўлиб ўтади.

Ғазодаги Фаластинлик уламолар ассоциацияси раиси доктор Салим Салом Қуддусни босиб олинишига қарши бу норозилик намоишига имкон қадар барча мусулмонларни қатнашишга чақириб, кимки бу босқинчиликни қонуний деб тан олса Яратганининг эслатмасига қарши чиққан одам ҳисобланади деди. Биз ҳам сионистик режимни барча жиноятларига жумладан Қуддуси Шарифни босиб олинишига ўз норозилигимизни билдираемиз. Ва бу каби босқинчиликка дунё жамоатчилиги БМТ ва Араб лигасига аъзо давлатлар жим турмаслигига ва Халқаро қонунларга мувофиқ, босқинчи сионист режимига чора кўришига чақираемиз. Исроилни бу каби жиноятлари қораланиши ва бунга чек қўйилиши лозим.

Биз шунингдек, Миллионлар Маршига чиқаётган биродарларимизга улар билан ўз бирдамлигимизни изҳор қилаемиз.

Аллоҳу Таъоло Қуддуси шарифни ўз эгаларига Фаластинлик мусулмонларга қайтаришини дуо қилиб қоламиз.

М. Абутов.

“ЎЗБЕКИСТОН КЕЛАЖАГИ БУЮК ДАВЛАТ. КЕЛАЖАК ЎЗИ ҚАЧОН КЕЛАДИ ?

Юқорида зикр этилган “Ўзбекистон-келажаги буюк давлат” ибораси 22 йилдан буён ҳукм сураётган жаноб Каримовнинг режимини асословчи сохта афоризм бўлиб келмоқда. 22 йилдан бери Ўзбекистон халқи мана шу чўпчакни эшитиб чарчамади.

Бутун давлат ҳудуди мана шу шиор билан “безатилган”, телевидение ва радио орқали деярли ҳар соатда янграйди, ҳар бир газета сониди мана шу сўзлар қайд этилади, ва жаноб Каримовнинг ҳар бир жилдлик китобиди қайтадан ёзилади. ҳаттоки, айтиладиган расмий аллаларга ҳам шу сўзлар қўшилган.

Аммо А. Орипов таъбири билан айтганда “такрор айтилганда рангсиздир калом”. Чунинг учун ҳам бу сўзларнинг қадри кундан кунга тушиб бормоқда. Гоҳида ўйлайман, келажак бу нима? У қачон келади? ёки у саробми?

Келажак агар 10 йил бўлса, жаноб Каримовга 1990-йилдан 2000-йилгача мутлақ ваколат берилди. (Тўғрироғи берилмади, олинди) бироқ натижа қани? Агар келажак 20йил бўлса, мана 22 йил ўтди! Натижа йўқ. Кўпчиликнинг кўзи ялтироқ нарсаларга ўч бўлади. одамлар, сиз кўраётган айрим қурилган биноларни қуриш учун аслида бир йил ҳам кўплик қилади.

Таққослаш учун айтишимиз мумкинки, Сингапур мустақил бўлганидан 25 йил давомида (1965-1990) юксак ривожланиш даражасига етди.

Аҳоли жон бошига даромад тақсимоти бўйича дунёда 9-ўринга чиқди. Тўғри бунга айрим объектив ва субъектив омиллар ҳам таъсир кўрсатган. Бироқ тенг ишонаманки, барча нарсга тўғри бошқарув усулига боғлиқ.

Хулоса ўрнида демоқчиманки, чолда юрган одам саробни кўрса, унга етишга ҳаракат қилади. Охир унинг сароб эканлигини барибир англаб етади.

Дўстлар, биз ҳам 22 йил келажаkning орқасидан юрдик изладик, лекин топмадик. Энди ишониш керакки, бу сароб, шунчаки, олис келажак ҳақидаги ўй.

Сўнг сўз: узоқдаги ҳолвадан қўл етадиган нон яхши...

Зиё ўғли

ЎЗБЕКИСТОНДА ПРЕЗИДЕНТЛИК САЙЛОВЛАРИ 2015 ЙИЛГА ҚОЛДИ



Ўзбекистонда президентлик сайловлари 2015 йилга қолдирилди Ўзбекистон парламентининг юқори палатаси-Сенат жума куни президентлик сайловлари санасини 2014 йил декабридан 2015 йилнинг биринчи ярмига кўчириш ҳақидаги ўзгаришни маъқуллаган. Қонунчилар ушбу қарорни президент сайловларининг парламент сайловлари билан тўқнаш келмаслиги ва сиёсий партияларга сайловларга тайёргарлик кўриш учун кўпроқ вақт бериш билан тушунтирганлар. Хабарларга кўра, қонун лойиҳаси Президент Исро Каримов томонидан тавсия қилинган ва уни Сенатнинг Қонунчилик ва Суд-ҳуқуқ кўмитаси раиси Светлана Ортикова тақдим этган.

Франс-пресс хабар агентлиги Ортикова хонимнинг “сиёсий партиялар президентликка номзодларни илгари суришади, шунинг учун президентлик сайловларини парламент сайловларидан кейин ўтказиш мақсадга мувофиқдир”, деган сўзларини келтирган.

Президент Каримов 2010 йил ноябрида Конституцияга парламентга кўпроқ ваколатлар беришни назарда тутувчи ўзгартиришларни тақлиф этган ва улар парламент томонидан маъқулланган эди.

“Концепция” дея тақдим этилган ўзгаришларга мувофиқ, жумладан, парламент мамлакат бош вазирига ишончсизлик билдириши мумкин. 2011 йил декабрида эса Сенат президент ваколатларини 7 йилдан 5 йилга қисқартириш ҳақидаги ўзгаришни маъқуллаган.

74 ёшли Президент Исро Каримов Ўзбекистонни қарийб чорак асрдан буён бошқариб келади.

У охири март 2007 йил декабрида 7 йилга сайланган.

Оврўпода Хавфсизлик ва Ҳамкорлик Ташкилоти Ўзбекистондаги сайловларни ҳеч қачон эркин ва адолатли деб тан олган эмас.

Охириги ўзгариш Президент Каримовнинг эҳтимолий меросхўри борасидаги фаразлар кучайган пайтга тўғри келмоқда.

Шу ҳафта интернетда Ўзбекистондаги турли сиёсий гуруҳ ва маҳаллий кланлар орасида ҳокимият учун пинҳона курашлар кучайгани ҳақидаги мақолалар пайдо бўлган.

ОЧИҚ ЖАМИЯТ ҲАҚИДА ОЧИҚ ФИКР



“Очиқ жамият” калимаси ўз моҳиятида фақат ижтимоий-сиёсий эмас, балки, биологик мазмун ҳам ташийди. Жамиятнинг ижтимоий-сиёсий ҳаёти ҳам худди баъзи озуқа маҳсулотлари сингари ташқи таъсирга тобе ва таъсирчандир. Усти ёпиқ озуқа маҳсулотлари моғор босиб, бижғигани каби ёпиқ жамиятлар ҳам ҳавосизликдан бижғиб, бузилади. Усти ёпиқ масканлар микроблар учун бир жаннат кабидир. Бугун биз ўлкамизда жамиятнинг устини ўз зулми ва нафси билан ўртиб, бу ўрти тагида жамиятни кемириб ётган минглаб микробларни кўришимиз мумкин. Энди бу зулм ўртисини иткитиб ташлаб, бу микробларнинг юзини очиш, уларни фош қилиш, уларни Адолат куёшининг нурлари остида куйдириш фурсати келди.

Фақат “очиқ жамият” калимаси баъзи дўстларимизни чўчитмаслиги лозим, зеро, “очиқ жамият” билан “очиқ бош” ёки “очиқ елкалар” бир нарсани англатмайди. Агар бир нарсани англатганида эди, “ёпиқ жамият” ҳисобланган Ўзбекистонда аёлларнинг бошидан хижоблар юлиб олиб ерга топталмаган ва аксинча, “очиқ жамият” деб ҳисобланган Ғарб мамлакатларидаги мусулмон аёллар эса, бемалол хижобда юрмаган бўлардилар. Худди шунингдек, “очиқ қалб” тушунчаси ҳам “очиқ сийна” мазмунини англатмайди.

“Очиқ жамият”, энг аввало, “очиқ кўз” ва “очиқ кулоқлар”дир. Аммо биз зулм салтанатининг жосуслари “кўз-кулоқ”ларини назарда тутаётганимиз йўқ. Атрофни кўрувчи “очиқ кўз” ва атрофни эшитувчи “очиқ кулоқ” бутун жамиятнинг, айниқса, ҳокимиядаги одамларнинг бош ҳислатларидан бири бўлиши лозим.

Норвегиянинг жанубий қисмидаги

шаҳарчалардан бирида яшовчи домла Абдулла Абдураззоқ ака менга маҳаллий йўл инспекциясига ўзининг киритган таклифи билан шаҳардаги айрим йўл қоидаларига ўзгартиришлар киритилгани ва ҳатто шаҳар марказидаги камоқхона ҳам унинг маҳаллий бошқарув маъмуриятига киритган таклифидан сўнг бошқа жойга кўчирилаётгани ҳақдаги ғаройиб воқеаларни гапириб берди. Очиқ жамиятдаги “кўрувчи кўз” ва “эшитувчи кулоқ”қа доир бундан ҳам ибратлироқ мисол топиш мумкинми? Халқнинг дардларига тинглашга кулоғи қар, жамиятнинг аҳволини кўришга кўзлари кўр ҳокимиятдан ҳам ёмонроқ нарса борми?

Ҳар пайшанба куни Норвегия парламентида “очиқ эшиклар куни” ҳисобланади, бу куни истаган ҳар ким Парламент биносига ва ҳатто парламентарлар мажлис ўтказаетган залга кириб, у ерда мажлис жараёни кузатиши ва мажлисда айтилаётган гапларни юқоридаги балконларда ўтириб тинглаши мумкин. Бу – очиқ жамиятдаги оддий бир кўринишдир. Шунингдек, мамлакатдаги ҳар бир инсоннинг, шу жумладан, давлат бошлиқларининг даромадлари ҳақдаги маълумотларни ҳам истаган одам олиши мумкин. Бундай очиқ жамиятда Ўзбекистон ҳокимияти тепасида ўтирган ўғрибошилар сингари халқнинг миллиард-миллиард пулларини ўмариб, тагига босиб ўтиришнинг сира имкони йўқдир.

Дунёнинг энг қабих жиноятлари хуфиёна, ёпиқ эшиклар ортида амалга оширилади. Ошкоралик энг катта зулм империяларини ҳам қисқа вақт ичида махв этиши мумкинлигини биз яқин ўтмишимизда кўрдик. Очиқлик, ошкоралик давлат тепасига чиқиб олиб, жамиятимизни кемириб ётган микроблар учун куёш нурлари каби ҳалокатлидир. Уларнинг сўз эркинлигидан кўркуви сабаби ҳам шундадир.

Биз, Аллоҳнинг ёрдами билан, Ўзбекистонда очиқ бир жамият қуришга сафарбар бўлганмиз. Бу очиқлик, Ўзбекистонда бугун кўриб турганимиздек, бузукликка, фахшга ва жиноятларга қаратилган очиқлик эмас, балки, иймонга, яхшиликка, тенгликка, миллий кадриятларимизга қаратилган очиқлик, бўлади, иншооллоҳ.

МАҚСУД БЕКЖОН,
ЎХХ Норвегия бўлими раиси

ОТАСИНИНГ ҚИЗИ



Ўзбек мустабиди Каримовнинг қизи Гулнора ўзининг Форум-вақфи учун Тошкент ҳокимияти биносини тортиб олди. Ҳокимият маҳкумона бир итоаткорлик билан эски Тошкент Шаҳар ижрокўмининг биносига кўчиб ўтди.

Гулноранинг вақфи эса ғолиблар тантанаси билан ҳокимиятнинг ҳашаматли биносини ишғол этди. Гулнора бу орада “Папа”си эълон этган “Бахтли оила йили”га бағишлаб вилоятларда мингта жуфтни уйлантиришга ва келинчакларнинг ҳаммасини ўзининг “Тули” брэнди куйлагини кийдиришини эълон қилди.

Лекин... отасининг қизи отасидан узоқ кетмади: у тўйларнинг харажатини тўлашни отасининг вассаллари – ҳокимларга, ҳокимлар эса фермерлар ва бизнесменларга юклади. Гулнора куйлақларнинг ҳам йўлини топди.

У куйлақларни йирик тўй салонлари соҳибларига топширди. Улар бу куйлақларни тайёрлар экан, Гулнора ва унинг “Папа”сига юксак овозда лаънатлар ёғдирмоқда.

Ота ва Қиз бу лаънатларга парво қилмасдан набира Ислоннинг (Гулноранинг ўғли) туғилган кунига кимни неча юз минг еврога таклиф қилиш ҳақида бош қотирмоқда. Андреа Бочелли 800.000 еврога бу туғилган кунга келишга рози бўлди. Бу пул давлат бюджетидан тўланди албатта.

Албатта, бу пул Гулноранинг Вақф-форуми учун тўланаётган пул олдида арзимаган миқдордир. Давлат тарафидан таъминланаётган “Вақф-форум” бюджетидан Маданият ва Спорт Вазирлиги бюджетидан 4 марта кўпдир.

Тошкентдаги мухбиримиз



Ўзбекистон Халқ Ҳаракатининг сўнгги мажлисларидан биттасида биродарларимиз Ҳаракатга бир йилда бир марта тўланадиган озгина миқдордаги аъзолик бадалини бир йил муддат ичида тўламаган аъзоларнинг ҳаракатдан чиқарилиши ҳақида масаланинг кун тартибига қўйилишини истадилар. Ўтган йили ЎХХ Муассислар Мажлисининг биринчи йиғилиши шунга қарор қилганди. Бу талаб қуйидаги мақолани ёзишга туртки бўлди.

“Ҳаракат аъзолари майли, сенчи, сен бу ҳаракатнинг раҳбари сифатида бадал тўлаёсанми”, дея, ўзимдан сўрадим. Чунки жамиятчиликми, фирканичиликми, ширкатчиликми – фарқи йўқ, раисликнинг ҳам бир бадали бор. Бу бадал нафақат моддий бадал балким, унданда анча оғирроқ ва машаққатлироқ бўлган маънавий рухий тўловдир. Энг оғир бадал бу – бир мамлакатнинг золим ҳукмдорига қарши кўнгилли равишда тўпланган бир жамоа(муҳолифат)нинг раиси тўлайдиган рухий бадалдир.

Чунки бундай раис бир тарафдан ўша золим ҳукмдор зулми, иккинчи тарафдан ўша “кўнгиллилар” ўртасидаги ихтилоф ва рақобат ичида яшашга маҳкум. Золим ҳукмдор тарафидагилар ўша раисни мамлакатни бошқарувини ноқонуний равишда ўз қўлига олишга интилаётганликда айбласа,” кўнгиллилар” уни мамлакатни бошқарувини ҳали ҳам қўлга олмагани учун айблайдилар. Боз устига, уни “ҳоқимиятда 20 йил ўтирган “ўша золим ҳукмдор билан тенглаштирадilar.

Бу раисликнинг бадалидир...

Камина сиёсатга ўз ихтиёри билан кирган бир инсон эмаслигимни хотираларимда ёзгандим. Табиатан аксилсиёсатчи эдим. Совет даврида Совет сиёсатчиларига қарши мақолалар ёзиб, ўзимизнинг сиёсатга кириб қолганимизни

РАИСЛИК БАДАЛИ

билмаганлар авлодидан эдик. Шу маънода, “раислик бадали”ни раис бўлмасдан аввал тўлай бошлаганимни эътироф этмоқчиман.

1983 июн ойи. “Ўзбекистон адабиёти ва санъати” газетасида мунаққид Иброҳим Ғафуров каминага хитобан “Шеърингизни тушунтириб беринг”, дея мақола ёзди. Ҳолбуки, мен шеърларни одамлар тушунмасин, дея ёзганим йўқ эди. Аксинча, тушунсин ва дунёни мен каби кўрсин, деб ёзгандим. Аммо замон “Ғафуровлар” замони эди, камина социалистик реализмга зид бўлган кайфият – тушқунликда айбланди. Бу норасмий ва илк айбнома эди. Мен шу кундан бошлаб “норасмийлар”(“неформалы”) шажарасининг “пионери” бўлдим. Ва қора рўйхатнинг илк қаторларидан “муносиб” ўрин олдик. Китобларимиз нашриётларда тўхтатилди. Ортимизда илк бор КГБ “исковучлари” пайдо бўлди.

Бу ҳам бир бадал эди, кичик, аммо – бадал.

1984 куз ойида ЎзКомпартия тарафидан бошланаган миллий кадриятларга хужумга қарши норозилик мактубига имзо тўплаш учун майдонга чиққанимизда бутун даврларнинг маддох шоири А. Ориповнинг “бу олифталарга нима керак ўзи, Ленин бобо ўрнидан туриб таъзим қилсинми буларга?” деган дашномларига нишон бўлди. Кун тартибига Ёзувчилар Уюшмасидан ўчириш масаласи қўйилди. Бу ҳам бир бадал эди. Кичик, аммо – бадал.

1988 йил “Бирлик” ташкилоти тузилганда, унга исм берган ва унинг илк дастурини ёзган камина эди. Аммо бу ташкилотга раис бўлмаслик учун ўзим яхши танимаган биттасини раисликка таклиф қилган ҳам мен эдим. Уни раисликка ўтказиш учун дўстларимга қайсидир маънода тазйиқ этганимни ҳам тан оламан. Сўнгра, йиллар давомида бу кимсани “Бирлик”ка раис қилганликда айбланиб, ҳақоратларга нишон бўлаётганимизни ҳам кўпчилик яхши билади.

Бу ҳам бир бадал эди.

Умрим тақвимига қараб мавзуга оид яна бир-неча ҳодисани эслайман. 1999 йил феврал портлашларининг менинг зиммага юкланганига ягона сабаб – менинг режимга муҳолиф жамоага раҳбарлигимдир. Бутун халқни жунбушга келтириб, баъзи

маҳаллий муллаларга бизни қарғаб хутба ўқитган ўзбек диктатори бу билан каминага “раислик бадалини” тўлатди.

Укаларим Комил, Муҳаммад ва Рашид Бекжонларни ҳибсга олиниб, йиллар давомида қийноқларга тутилгани ҳам айнан шу мезондаги “бадаллар” дан биттасидир.

Ҳукуматни тушуниш мумкин, майли, унга биз ўз танлаган йўлимиз учун “бадал” тўлаёямиз. Бу биз учун табиий бадалдир. Душманга курашиш принципи осон: ё ғозий ё шахид. Аммо дўст бўлиб, гўё сен билан бир ғояга хизмат қилишга бел боғлаган кишилар билан “курашиш” энг оғир вазифа. Энг оғир бадаллар тўлашга мажбур қилган воқеалар ҳаммиша ўз сафларимиздан келди.

Ўтмишга қараб, бир-нечта нуқтани эслайман:

Сана 1992 йил 5 май. Ўзбекистон Президентлиги курсида ноқонуний ўтирган киши каминани ҳузурига чақириб, “Ўзбекистон Демократик Кучлар Форуми” номи остида тўпланган муҳолифатни тарқатиб юбориш эвазига, давлатдаги энг катта икки лавозимнинг биттасини олишни ва ЭРК партиясига бир-нечта вазиралик беришни таклиф қилди. Мен бу таклифни рад қилдим. Бу рад жавобининг аввало ахлоқий, сўнгра сиёсий сабаблари бор эди. Ахлоқий сабаби – ғоямизга ва шахсимизга ишониб, зулмга қарши курашда бир байроқ остида тўпланган биродарларимнинг иродасини, канчалик юксак бўлмасин, ҳеч қандай лавозимга сотаолмасдим. Сиёсий сабаби – энди мустақиллигига эришган ёш давлатда илк қадамдан бошлаб бир хур ўлканинг қонун-қоидаларини ҳукмрон этиш ва бунга эндигина қуликдан чиққан миллатимизни кўнктириш каби вазифа турарди олдимизда.

Аммо бу қароримиздан сўнг баъзи сафдошлар “ҳукуматнинг ичига кириб олиб, партиянинг кассасини тўлдириб керак эди, раисимиз сиёсатни билмайди”, қабилидаги ғийбатлар бошлади. Уларга мен “китобда эмас, реал ҳаётда умум манфаатни ўз манфаатимиздан устун қўйиш” учун бу қарорни бердик, дея олмасдик. Дея олмаслик, ўз этикоднингни оқлай олмаслик азоби бадалларнинг энг оғиридир.

1994 йил. Сургун ҳаёти. Ўзбекистон ҳукумати талаби билан оиламиз Туркиядан бадарға қилинди.

(Давоми кейинги бетда)

РАИСЛИК БАДАЛИ

(Давоми. Боши олдинги бетда)

Биз билан Туркияга келиб, мухолифат ёрлиғини олган, биз билан битта нонни бўлиб еган кимсалар биз Туркиядан чиқарилгандан сўнг Туркия давлат тизимларида бизнинг “ислом фундаменталистлари” эканлигимизни айтиб, чақимчилик қилганлари, бу ҳам етмагандай, қолган умрларини бизни ёмонлашга бағишлаганлари ҳам бизнинг тўлаётганимиз навбатдаги бадалдир. 2003 йилда “ЭРК партияси раислигига бошқа бировни сайланглар, мен чеккага чиксам, балки ҳукумат зулмини қайтирар” дедим, ташкилотнинг Бош котибига. Аммо, у ” унда партия тамоман йўқ бўлади, одамларни эргашадиган шахс йўқ ичимизда”, дея таклифимни қабул қилишмади.

Шу аснода МХХ Самад Мурод деган бир сафдошимизни ишга солиб, “ЭРКнинг янги қанотини” тузди, аммо бу тадбир уч кун ҳам яшамади, Шунда МХХ “М.Солих бир давлатдан 6 миллион пул олибди, пулни О. Арипов билан бирга еб ётишибди”, деган миш-миш тарқатди ва бу тухматга ҳам ўз ичимизда ишонганлар чиқди ва уларнинг бу ёлғонга “ишончи” биз учун навбатдаги бадалга айланди.

Яқинда “Мухолифат Бирлашувининг олдига тўсиқ қўйди” деган, айбловга дучор бўлмаслик учун зехнинг нуктаи назаридан бир-бирига умуман зид инсонларнинг бир ерга тўпланишига қаршилик қилмадик, уларнинг ичида мутлақо фитнес чикишини тажрибадан билган ҳолда, жараёнга муҳофиза қилмасдан, масалани вақтга ҳавола этдик.

Вақт бизни тахминни ҳақга чиқариб, бир-бирига руҳан ёт инсонлар жамоадан айрилганида, бундан қувонмадик, тишни-тишга босиб йўлмизда давом этдик. Бу сабр-тоқат ҳам биз тўлаётган навбатдаги бадал эди.

Бу сабрни имтиҳон қилиб, Ҳаракат фаолиятида ойларча кўринмай, бирдан пайдо бўлиб, бизни диктаторликда айблаганларга ҳам сабр қилаяпмиз. Бу ҳам давомли тўланаётган кичик, аммо бадал категориясига қирадиган “тўлов”лардир.

Агар бу каби катта-кичик тўловларни вақтида тўлаш имкони бўлган битта қаҳромон чиқиб, бизни бу заҳматли “тўловлар”дан қутқарса, унга фақат раҳмат айтардим.

Муҳаммад Солих

ЖАНУБИЙ КОРЕЯ СИЁСИЙ БОШПАНА СЎРАГАН ЎЗБЕКНИ МХХГА ҚАЙТАРИБ БЕРДИ

Жанубий Корея расмийлари сиёсий қочқин мақомини олмоқчи бўлган ўзбекистонлик тақводор мусулмонни Ўзбекистонга депортация қилдилар, дея хабар беради Eurasianet Advocates for Public Interest Law адвокатлик фирмасида ишловчи адвокат Чен Чул Кимга таянган ҳолда. Кимга кўра, ўзбекистонлик ватанига қайтган тақдирда расмийлар томонидан диний фаолияти учун таъқибга учраши ва қийноқларга солинишидан хавотирланган. Унинг рафиқаси ва икки қизи айни пайтда Сеулда истиқомат қилаяптилар ва уларнинг виза муддати тугамаган.

Бу одамнинг сиёсий бошпана сўраган аризасига 21 март куни рад жавоби берилди, ўша куниёқ уни Ўзбекистонга депортация қилиш тўғрисида кўрсатма берилди.

Аммо ўзбекистонлик аризага биринчи инстанциядан рад жавоби олганидан бошлаб икки ҳафта давомида Жанубий Корея адлия вазири номига апелляция шикоятни беришга ҳақли эди. Кимга кўра, унинг адвокатлик фаолияти давомида шикоят қилиш ҳуқуқига эга қочқинни ватанига депортация қилинишининг биринчи ҳолати бўлди.

Адвокатга кўра, Инчхон аэропортида қочқинни ватанига олиб кетиш учун Ўзбекистон расмийларининг икки вакили кутиб олди. Жанубий Корея ўзбекистонлик қочқинларни биринчи марта депортация қилаётгани йўқ. 2011 йилда тадбиркор Абдулла Рабиев ҳам исломий ташкилотга мансублиги учун таъқиблардан қочиб шу мамлакатга келганди. У қочқинлик мақомини сўраб расмийларга қанча кўп мурожаат қилмасин, ҳар сафар рад жавобини олди.

Ким депортация қилинган ўзбекнинг на таржимаи ҳолини ва на исмини очиқлаган. У Сеул ва Тошкент ўртасида иқтисодий алоқалар кучайиши ортидан янги-янги депортацияларни кутиш мумкинлиги борасида хавотирланмоқда.

ЎЗБЕКИСТОН ҚЎШНИЛАР БИЛАН БОҒЛОВЧИ ТЕМИР ЙЎЛНИ БУЗИШГА КИРИШМОҚДА

Ўзбекистон Тожикистоннинг Хатлон вилоятига олиб боровчи Хашади-Амузанг темир йўл участкасида йўлларни бузишга киришди.

Азия-плюс хабар беришича, бу хабарни “Тожикистон темир йўллари” Давлат унитар корхонасида тасдиқладилар ҳамда бажарилаётган ишлар ҳажми тўғрисида аниқ маълумотга эга эмасликларини қайд этдилар. “Шундай қилиб, Хатлон йўналишида поездлар ҳаракати имкониятсиз бўлиб қолмоқда”, - дея билдирдилар темир йўлчилар “Авеста” ахборот агентлигига. Тожикистон томонига кўра, ўзбек темир йўлчиларининг ҳаракатлари қонунга зид: ушбу участка расман фаолият юритаётган саналади, уни бузиш тўғрисида ҳеч қандай қарор қабул қилинган эмас. Шунинг учун ўзбекистонлик темир йўлчилар уни бузишдан аввал тожикистонлик ҳамкасбларини огоҳлантиришлари керак эди. Норасмий маълумотга кўра, Ўзбекистон томони Амузанг станциясини чегарага кўчирмоқчи.

Эслатиб ўтамик, ўтган йили 17 ноябрга ўтар тунда содир бўлган портлаш натижасида темир йўл кўприги бузилган. Ўшандан бери ушбу участкада поездлар ҳаракати тўхтаган. Ўзбекистон томони 2012 йил январь охирида темир йўлни таъмирлаш ишларини бошлаб юборгани ҳақида қўшни мамлакатга билдириб қўйди. Тожикистонлик мутахассисларга кўра, бундай кичкина кўприкни бир-икки кун ичида тузатиб юборса бўлади. Тожикистонда кўприкда теракт содир этилганига ишонмаяптилар ва ушбу участканинг ёпилиши тўғрисидаги қарорни сиёсий характерга эга дея ҳисоблаяптилар.

Ўзбекистон 4 мартдан бошлаб Тожикистон ҳудуди орқали юклар транзитини тўхтатиб қўйди. Аввал Сўғд вилояти орқали Фарғона водийсига ёқилғи-мой материаллари, минерал ўғитлар, кишлоқ хўжалик маҳсулотлари етказиларди. Аста-секин Ўзбекистон темир йўл орқали олиб ўтилаётган юклар ҳажмини камайтириб, уларни фақат “Қамчик” домини орқали етказа бошлади.

ЭЛ БЎЛИНГ, ЎЗБЕКЛАР!



Ўзбекистонда нима ўзгаришлар бўлади ва мамлакат тараққиётнинг қайси йўлини танлайди? Сиёсий ўзгаришларчи. Улар содир бўлармикан? Жумбоқлик Ўзбекистонимизнинг жумбоқ президенти Ислом Каримов яна бир янги найрангни бошлаган кўринади. У жуда талтайиб кетган ва уни бунчалар талтайтириб юборган аслида Ўзбекистон халкидир. Ҳар қачон бўлсин, “катталар билади” дея ўз фикрини айтишдан ҳам кўрқадиган, ана ўша катталарга хуш ёқишни кўзлаб лаганбардорликдай жирканч бир туйғуни ўзига ошно қиладиган қора халкимиз бугунги муаммолар учун замин яратиб берган эди. 2007 йилда Ислом Каримов етти йиллик муддатга президент этиб сайланди. Аниқроғи, у ўз ўзини тайинлади. Буни қарангки, у кишининг бу қарорини ҳам мактаб мамлакат келажagini кўзлаб қилинаётган олий мақом иш дея итъялогини ялаганлар, тагин ҳам худди шундай йўл тутиб у кишининг бу қарорини ҳам қўллаб чиқишди. Ҳа, бизнинг оқил ва доно деб аталадиган раҳбаримиз, аслида нодон эканлигини ўзи ҳам билади. Бошқалар ҳам, лекин бу нодоннинг нодонлигини айтиш ўзбеклар учун гуноҳи азимдир.

Тўғри, бир пайтлар кимлардир айтишганди ҳам, уларнинг қай бирилари раҳматлик бўлиб кетишди, яна қайсиларидир чет элга қочиб жон сақлади ва тагин айримлари камокхоналарда ўлимларини кутиб яшашмоқда. Чунки улар учун озодлик йўқ! Чунки улар шундай “марҳаматлик”, “узқони кўзлаб оқил ва доно” сиёсат олиб борувчи юртбошимизни хурмат қилмаганлар! Тамом, вассалом! Ўзбекистон – бу демократик мамлакат дегани эмас, гарчи конституциясида унинг демократик эканлиги қайд этилган бўлса ҳам. Лекин юртбошига ҳам қийин бўлди. Бир мисқол

бўлсин обрўси қолмади! Энди эса бемалол, оёқни чўзиб ўлишни ва ўлганидан сўнг ҳам обрў-эътиборлик бўлишни орзу қилиб қолган бўлса ҳам керак. Йўқ! Унинг номи Ўзбекистон таърихига киради албатта, лекин кирганида ҳам унда Пиночет, Полпот, Гитлер сингари каттоллардек из қолдирадиган шахс бўлди.

Таърихда ўз номини қолдиришни истаганлар кўп бўлишган албатта, яхши ном қолдирганлар ҳам бўлгани каби, ёмон отлик бўлганлар ҳам талайгина. Масалан, қадимги Юнонистонда номини таърихда қолдиришни истаган Герострат ибодатхонага ўт қўйган экан. Ислом Абдуғаниевич эса халкнинг уйини куйдириш, давлатни ҳам, миллатни ҳам хонавайрон қилиш билан таърихга кирадиган шахс бўлди. Дунёда биттагина бўлсин, ўзбек яшаркан, у Ислом Каримов номини лаънат билан ёдга оладиган бўлади.

Яна бир қизиқарлик ҳолат, қайсидир бир оилада учта эгизак ўғил туғилиб қолса уларга Ислом, Абдуғани ва Карим деб исм бериш одатга айланганди. У болақайлардаку айб йўқ, айб уларнинг лаганбардор оталарида. Хўш, булар нима қилишяпти экан энди? Балки болаларининг исмларни ўзгаритиришар, фақат ҳозир эмас, янги ҳукмдор келганидан сўнг.

“Оқил” ва “доно” президентимиз куни кеча яна бир янги қарорга келибти. Аслида мамлакат парламентининг қарори деб расмийлаштирилган бу қарорга мувофиқ Ўзбекистон президенти сайловлари санаси 2014 йил декабридан 2015 йилнинг биринчи ярмига кўчирилибти. Парламентдаги қонунчиларнинг иддао қилишларича, ушбу қарор президент сайловларининг парламент сайловлари билан тўқнаш келмаслиги учун ва сиёсий партияларга сайловларга тайёргарлик кўриш учун кўпроқ вақт беришдек олийжаноб бир мақсадни кўзлаб қилинган эмиш. Ола, йигирма йилдан бери ҳар икки сайловнинг тўқнаш келгани бировни безовта қилмаганди, энди ўзгартириш қилиш керак бўлиб қолдимикин? Президент Каримов 2010 йил ноябрь ойида Конституцияга парламентга кўпроқ ваколатлар

беришни назарда тутувчи ўзгартиришларни таклиф этганди ва унинг таклифи парламент томонидан маъқулланганди ҳам. Гарчи, Франс-пресс ахборот агентлигига маълумот берган Ўзбекистон парламенти Сенатининг Қонунчилик палатаси раиси Светлана Ортикова “сиёсий партиялар президентликка номзодларни илгари суришади, шунинг учун президентлик сайловларини парламент сайловларидан кейин ўтказиш мақсадга мувофиқдир”, деган бўлсада, аслида мақсад Каримовга ўринбосар бўлган меросхўрни эл орасида меҳрибон зотга айлантириш учун мўлжалланган тадбирдир. Шу йил давомида диктаторнинг катта қизи мингта никоҳ тўйлари ва мингта суннат тўйлари ўтказиб бериши ҳақида хабарлар тарқалди. Демак, Ислом Карим жаноблари ҳокимиятдан кетса, ўрнига қизи келиши аниқ ва аён. Агар шунда ҳам қандайдир бир инқилобий ўзгариш бўлиб қолмаса.

Ҳукмдоримиз Андижон хунрезлигидан сўнг бирор марта бўлсин хорижий журналистларга кўриниш бермади. Унинг ёлғончилиги азал-азалдан аён бўлсада, умрида бир бор бўлсин рост гапирганини кўрганлар бормикин? Ислом Каримовнинг бошлаётган янги авантюраси қизини ҳокимиятга келтириш учундир. Энди уни ҳокимиятга келишига йўл бериш, ёки бу жинойатчи режимни улоқтириб ташлаш ўзбекларимизга ҳавола. Яна ҳам аниқроғи, ўзбекистондаги ўзбекларимизга ҳавола. Агар миллат мана шу алфозда пашша кўриб ўтираверса, бошини бириктириб диктатор найрангларига қарши курашга отланмаса, келгусида Гулнора Каримованинг ҳукронлиги остида яшашга мажбур бўлади. Бриллиант ва бошқа қимматбаҳо тақинчоқларга ўч Гулнорадан Ўзбекистон халқига нима етишини эса келажак кўрсатади. Ўзбеклар, амманнинг бузоғига ўхшамай эркин инсондек фикр қилинг ва режимга қарши курашга чиканлар сафига кирилинг! Сизга бошқа йўл йўқ. Агар кўрқоқлик қилиб, тагин ҳам ўзи бўлар йўлни танласангиз, токи қиёматгача бошингиз мардикорликдан чикмай қолади. Эл бўлинг ўзбеклар! Эл бўлинг!

Тўлқин Қораев.

ЛИКВИДАЦИЯ ЧАСТНЫХ ТАКСИ ОСТАВИТ БЕЗ РАБОТЫ СОТНИ ВОДИТЕЛЕЙ

Правозащитники сообщают о поступающих жалобах от таксистов из различных регионов Узбекистана, которых власти вынуждают отказаться от частного извоза и покупать лицензии, стоимость которых многим не по карману.

Активисты опасаются, что десяткам тысяч таксистов, зарабатывающих частным извозом, грозит безработица.

Накал страстей пришелся на середину марта, когда, по словам водителей, правоохранительные органы стали осуществлять облавы на частников, а у некоторых даже конфисковали автомобили.

Таксист из Сырдарьи, города в центральной части Узбекистана рассказал, что работники Главного управления безопасности дорожного движения голосуют на оживленных улицах под видом пассажиров, затем садятся в частные такси и запугивают водителей.

«Ко мне подсел молодой человек, попросил довезти его до рынка, в это время позвонил кому-то по телефону, а когда мы подъехали, меня окружили [милиционеры] и сказали, что я нарушаю закон, — пожаловался таксист. — Этот закон лишил нас спокойной жизни».

Возмущение таксистов вызывает вступившее в силу с января 2012 постановление Кабинета министров «О мерах по упорядочению деятельности линейных такси», согласно которому извозом могут заниматься лишь те владельцы легковых автомобилей, которые получили лицензию и оснастили свои транспортные средства необходимым по закону инструментарием, включая аптечки и опознавательные знаки в виде шашечек.

В соответствии с Административным кодексом Узбекистана несоблюдение требований по перевозке пассажиров автомобильным транспортом без лицензии наказывается штрафом от двадцати до ста минимальных размеров заработной платы, с последующей конфискацией автомобиля.

Минимальная заработная плата в Узбекистане составляет 62 920 сумов в месяц, (\$22).

До этого многие узбекские водители занимались частным извозом нелегально, поскольку купить лицензию могли не все. Согласно местному законодательству стоимость лицензии на частный извоз сроком на шесть месяцев составляет примерно \$ 500. Примерно столько же надо потратить на приобретение опознавательных знаков такси, специальную окраску машины и прохождение технического осмотра на соответствие параметрам. Получив лицензию, водитель становится подотчетным единой системе линейных такси и будет обязан вносить определенный процент заработка в общую кассу.

По словам частников, ежемесячно они зарабатывают по \$150-200. «Мне не надо платить из своих доходов за лицензию и другие атрибуты, поэтому я имел чистую прибыль, — рассказывает местный таксист с 15-летним стажем, назвавшийся Акбаром. На эти деньги он с трудом мог прокормить семью из пяти человек. — Запрет на работу без лицензии лишил мою семью средств к существованию». Специализированные такси не были конкурентами частникам: стоимость проезда у официальных такси в несколько раз выше, и их услугами пользовались в основном представители организаций и приезжие. К примеру, чтобы проехать из одного конца Ташкента в другой, стоимость проезда на официальном такси составляет \$ 30, в то время как частник отвезет пассажира по этому же маршруту в три раза дешевле.

Сурат Икрамов, руководитель Инициативной группы независимых правозащитников из Ташкента, куда в последнее время стекается поток жалоб от водителей-частников, прогнозирует социальную напряженность в многотысячной среде транспортников. «Это может плохо закончиться, если всех их разом лишат заработка, неизбежны потрясения», — говорит он.

АРПА УНИ ЕГАН НОМАРД



(Ҳажвия)

-Хурматли депутатлар, биласизлар биз болалигимизда арпа уни еб ўсганмиз.

Шунинг учун ҳам менинг Президентлик муддатимни референдум йўли билан узатсак. Нима дейсизлар?

-???- Хурматли депутатлар, биласизлар биз палов есак ҳам нон билан еймиз.

Мен эса арпа нони емасдан тура олмайман. Шунинг учун ҳам президентлик муддатимни беш йилдан етти йилга ўтказсак. Нима дейсизлар?

-???

- Хурматли депутатлар, биласизлар лағмон бизнинг миллий таомларимиздан. Мен эса лағмонни ҳам арпа уни билан пиширтираман.

Шунинг учун Конституцияни бузиб бўлса ҳам мен яна президентликка номзод бўлсам?

-???

- Хурматли депутатлар, биласизлар мен энди анча кексайиб қолдим. Бугдой унидан қилинган нон энди бизга оғирлик қилади.

Шунинг учун ҳам мен яна арпа унидан қилинган нон еяпман. Келинлар менинг Президентлик муддатимни яна беш йилга қайтарсак. Нима дейсизлар?

-???

- Хурматли депутатлар, ҳозир дунёда иқтисодий бўҳрон бор. Биринчи таклифим ҳамма менга ўхшаб арпа унидан қилинган нон ейишга ўтса.

Иккинчи таклифим, яна бир марта Конституцияни бузиб бўлса ҳам Президентлик муддатимни саккиз йилга чиқарсак. Нима дейсизлар?

-???

- Хурматли депутатлар...

-Ҳой, номард одам, сиз умрингизда бирор марта мева-пева еганмисиз ўзи...

ГУЛНОРА КАРИМОВА ШОЙИ ГУЛЛИ АТЛАС ЛОЗИМДА ЎЗБЕКЧА ГАПИРДИ!



Тошкентдаги Миллий санъат марказида “Bazar-Art. Баҳор–2012” кўргазмаси очилди. Ўзбекистон хунарманд рассомларининг “Ижод” уюшмаси ташкил қилган бу кўргазмада халқ усталари ясаган сопол буюмлари, атлас, адрас ҳамда гиламлар намойиш қилинмоқда.

Кўргазма Ўзбекистон президенти-нинг тўнғич қизи Гулнора Каримова ҳомийлигида ўтадиган тадбирлардан ҳисобланади. Кўргазма уч кун давом этади. 27 март кунги очилиш маросимида Гулнора Каримова иштирок қилиб усталарни олқишлади. Интернетдаги Youtube порталида Г.Каримованинг усталарни муборакбод қилгани акс этган тасвир кўйилган.

Бу тасвирда шойи гулли атлас лозимни этаксиз камзилга жуфт қилиб кийган Гулнора Каримова аввалига русча гапирди кейин эса тўрт жумла ўзбекча калимани, ёнидаги йигит узатиб турган қоғозга қараб ўқиди. Заргарлик, нақшу-нигор ва ўймакорликда ном чиқарган усталар Гулнора Каримованинг совгаларига нойил бўлишди. - 80 нафар ўзбек хунарманди яратган асарлардан тартиб берилган бу кўргазмадан ўрин олган буюмлар ранго-ранглиги, Тошкентдаги баҳор кайфиятига мос бўлди, дейди кўргазма очилишида иштирок этган рассом Рустам Бозоров.

Ўз асарларида ўзбек нақшу нигорларига кўп ўрин берадиган Рустам Бозоров бу кўргазмага қўйилган гиламлар, нақшин лавҳалар ва атлас буюмлардан илҳомланганини билдирди.

Кўргазма ҳақида бизга гапирган ва ўзини Наргиза деб таништирган санъатшуносга кўра, бу тадбир хунармандларни молиявий кўллаб-қувватлашнинг энг мақбул услуби бўлиб қолмоқда:

- Бу кўргазмадаги асарларнинг нархи 1000 долларгача боради. Масалан, ёғоч ўймакорлиги, шарқ минатюраси, кашталар. Олис вилоятда яшайдиган уста айнан Bazar-Art кўргазмасида ўз асарларини лойик нарҳда сотиш имконига эга бўлади, дейди санъатшунос.

Санъатшуносга кўра, Bazar-Art лойиҳасида каштачилик, нақш ва минатюра, ёғоч ўймакорлиги, кулолчилик, газламага гул босиш, мисгарлик каби санъатнинг етук усталари иштирок қилмоқда. Bazar-Art кўргазмаси 2007 йилдан бери 10 мартаба ўтказилди.

Озодлик

Мақола остига ёзилган шарҳлар:

* Гулнора бу ерда худди думи ва пати юлинган товукқа ўхшаб қолибди. Бу холатни “қош қўяман деб, кўз чиқариш” деса, тўппатўгри бўлади. Миллийликни улуғлайман деб, бутун Ўзбекистон аҳолисига кулгу бўлди. Бундан ортик бачканаликни ўйлаб топишни ўзи қийин. Ўша атлас иштонни ўрнига қора, оддий шим кийиб чиқса кеч кимга кулгу бўлмас эди...

* Assalomu alaykum. Qaysi “modashunos” unga lozimni ko'ylaksiz kiyishni maslahat berdi ekan? A? Endi nima bo'lsa ham o'zimizda moda bo'lib ketmasin.

* eh, o'zbekiston kimlarni qo'lida qoldi. biz kimbiz asli turon. anavu atlas ishtonlik ham bizdanmi?

* Assalomu alaykum. Birinchidan “ostog'furlox” emas, astag'firulloh. Ikkinchidan nima demoqchi bo'lganligingizni o'zingiz tushun- yapsizmi? Uchinchidan La havla vala quvvata illa billah. Salomat bo'ling.

* Бехаё, шармсиз.

* ozbechani chala gapirarkan

* GULINI kurib qushnimizni qarri itini kurganday buldim

* Шарманда!!!

* G. Karimovani kiygan ishtoni ja g'alati kurinipti. ishton kiysa kuy- lagiyam bulishiga urganip qoganakan odam.

* pul, boylik, mansab bilan did o'zgarib qolmas ekan. gulnorahon qanchalik puldor va mansabdor bulmasin, baribir ham kiyinishi, didi

va saviyasi o'ziga yarasha. axir , boylik va mansab bilan maymunni odam qilib bulmaydiku! bu shaqallar halqni rizqini qiyib, davlat mulkini o'marib davru davron suryapti. hali vaqti soati keladi, o#shanda ko'ramiz holi ne kechadi. ollohning qahri bulsin bularga. bechora halq ochlikdan o'lyapti, bular esa, har kuni har nayranglar bilan mashgul

* OLDIN O'ZBEKCHANI YAXSHI ORGANSIN, KEYIN TABRIKLASIN. SENLARGA UZB HAYFDIR

* Бу тасвирда шойи гулли атлас лозимни этаксиз камзилга жуфт қилиб кийган Гулнора Каримова аввалига русча гапирди кейин эса тўрт жумла ўзбекча калимани, ёнидаги йигит узатиб турган қоғозга қараб ўқиди<<<<< GAPNI HAM TOPASLARDA >>

ЛОЗИМ КИЙГАН ЛОЗИМСИЗ...

Эй, лозим кийган лозимсиз!
Эй, уятсиз бадбашара юз!
Сен бизга бегонасан!
Чунки сен ўзга тилда равон,
Ўзбек тилида эса
нотовон гапирасан,
Қоғозга қараб гапирасан
тилимизда...
Сенга жой йўқ дилимизда!
Йўқол!
Ҳамон йўқол даврамиздан,
Чиқиб кет дарҳол орамиздан!
Эй лозим кийган лозимсиз,
Сен ўзи кимга лозимсан?
Ўз бошинга лавозимсан,
Бир четга отган қоғозимсан,
Йўқол, даф бўл орамиздан,
Қонатма етар ярамизни...
Нафрат этдирдинг барчамизни.
Биз ўзбекмиз, эътиқодимиз бор.
Сенга бу тупроқлар энди тор.
Етар, изла ўзинга
бошқа жойда ёр!
Эй, лозим кийган лозимсиз,
Яқинда кўтарамиз бошимизни,
Аммо сенинг башарангни
кўрмаслик учун,
Кўзимизни ерга тикмоқдамиз,
Ҳозирча...
Йўқол, йўқол ахир,
Йўқол деганда кўппаклар ҳам,
Ғойиб бўлади.
Пойинг битди бу ерда,
Яқинда поймананг ҳам тўлади.
Келма, кет энди,
Ҳайф шунча сенга сўз!
Чунки сен юзсиз,
Лозим кийган лозимсизсан!

Номусли Ўзбек

(Давоми. Боши ўтган сонларда)

Гулнор энди Тошкентда бемалол юраолмасди. Қорлиғашевнинг айғокчилари уни одим-одим таъкиб қила бошлаганди. Хатто уй олдида навбат тута бошлагандилар. Гулнор уйдан академияга, у ердан уйга келарди холос. Яна Қорлиғашев ва унинг ташкилоти яхши билган баъзи дўстларининг уйига гоҳ-гоҳ бориб турарди. Чунки, улар билан ҳам алоқани узиб қўйиши ташкилотни шубҳалантирган бўларди. Гулнор Ўзбекистондан чиқиши учун Туркия элчихонасидан виза олиши керак эди. Лекин элчихонага кетса, буни Қорлиғашевга дарров етказишар ва Гулнорнинг нияти фош бўларди. Бир тасодиф ишни осонлаштирди. Камол Эркиннинг уйида Турк элчихонасидан бир маъмур унга икки кун ичида виза хозирлаб, Камол Эркинга беришини айтди. Айтилганидай, икки кун ичида виза тайёр бўлди. Қочиш йўли ҳам Камол Эркиннинг уйида чизилди. Тошкентнинг чеккасида юк машиналари парки бор эди. Бу парк хусусий эди, уни бир турк йигити қурганди. Юк камёнлари Туркиядан келиб, бир кеча бу ерда дам олишар, кейин Қозоғистонга ўтиб кетишарди. Ўзбек-қозок чегарасида унчалик назорат йўқ эди. Режа бўйича, айғокчилардан бир амаллаб қутулгач, ўша паркка бориш керак эди. У кеча Гулнор ухлай олмади. Шубҳаланмасликлари учун кичик бир сумка хозирлади йўлга. Ва кийимларини ечмасдан ётоққа узанди. Ухлаб қолишдан қўрқди. Келишилган вақтдан сал кечикса, ҳаммани тахликага қўйган бўларди. Ётоқдан туриб парда орқасидан кўчага боқди: Қорлиғашев кўппаклари ўз жойида туришарди. Кириш эшигидан чиқиш мумкин эмасди. Унча юксакда бўлмаган орқа балкондан чиқиши лозим эди. У кеча Қорлиғашев ҳам безовта эди. Гулнор у истаган рапортни келтирмаганди. Гулнор шу кунгача учрашган одамларида муҳим нарса йўқ эди. Балки, Камол Эркиннинг уйига бир ҳафтада икки марта борганидан шубҳаланиш мумкин эди. Лекин бу ҳақдаги одамлари берган рапортда шубҳага молик нарса тополмади. Негадир Қорлиғашев одатидан ташқари соат уч яримда уйғониб кетди. Такрор ухлашни истади, лекин кўзига уйқу келмади. Чирокни ёқди. Қўлини соатга узатиб, айғокчилар берган рапортни олди, ўқий бошлади.

ГУЛНОР (РОМАН)

Иккинчи рапортнинг бошини ўқир экан, чаён чакқандай сапчиб ўриндан турди:
–Эх, шайтон, буни нега аввал ўйламадим!, – деди.
Рапортда Камол Эркиннинг уйига келган бошқа меҳмонлар ҳам ёзилганди. Гулнорнинг биринчи келишида Камол Эркин уйига Турк элчихонаси ходими ҳам келганлиги ёзилганди. Кейин ўша ходим Камол Эркиннинг уйига иккинчи марта келган ва ундан икки соат кейин эса у ерга Гулнор келганди.
–Шайтон киз, Туркияга қочишни ўйлабсан-да!, – деди ўз-ўзига Қорлиғашев.
У бир неча дақиқа ичида кийиниб, кўчага чиқди. Машинага ўтирди, ўн дақиқа ўтар-ўтмас Гулнорнинг уйи олдида тўхтади. Эшикни пойлаётган иккита айғокчига ишорат қилиб, ичкарига кирди. Соат тўртдан ўтганди. Гулнор балкон эшигини очиб чиқаётганда, эшик кўнғироғи чалинди. Бу маҳалда эшик кўнғироғининг жиринглаши хайрли эмасди. Гулнор эшикни очмасликка қарор қилди. Балкон темирини ошиб, қўли билан панжаралардан тўтди-да пастга осилиб тушди. Ва орқа кўчага чиқди.
Такси топилиши амри маҳол эди. Уйдан тезроқ узоклашишга ҳаракат қилиб, югура бошлади. Кўнғироқни жиринглатган Қорлиғашевнинг одами ёки унинг ўзи эди. Эшикни синдириб кириб, Гулнорни тополмагач, орқа кўчаларни ҳам назорат қилиши мумкин эди. Буни ўйлаб, Гулнор чопа бошлаганди.
Қорлиғашевнинг шиддатли кўнғироқларидан Гулнорнинг қўшнилари уйғонишганди. Қорлиғашев елкаси билан эшикни уриб кўрди, синдирилмади. Кейин одамларига ишора қилди, улар иккаласи эшикни синдирдилар. Гулнор уйда йўқ эди. Қорлиғашев айғокчиларга бақира бошлади:
–Уйга кириб, қайтиб чиқмаганидан аминмисан?, – дерди у тинмай.
–Ха, чиқмади, – дерди иккита айғокчи даг-даг титраб.
–Балкондан қочган!, – деди Қорлиғашев, – сен бу бинодаги бутун квартираларни қараб чиқ! Сен эса мен билан юр!
Қорлиғашев айғокчилардан бирини олиб, орқа кўчаларни текшириб чиқди. Аммо Гулнорни тополмади. Гулнор аллақачон хусусий бир машинани тўхтатиб, ҳайдовчидан Навоий майдонига олиб боришни илтимос қилганди.

Навоий майдонидан таксига ўтириб, келишилган паркка етиб келди. Соат беш бўлмаганди. Парк қоровули каллаи-саҳарла ёлғиз юрган қизни кўриб хайрон бўлди.
–Мен Гулнор Кунбоеваман, – деди у, – олти яримда кетиши керак бўлган бир камён мени Чимкентгача олиб кетиши керак эди.
–Сизни бунча эрта кутмагандим, – деди одам, – сиз бир оз кутинг, дам олинг шу ерда.
Бу кичик, муваққат уйчада ягона курси бор эди, Гулнор унга ўтирди.
–Яхшиси, мен кетадиган машина кабинасида ўтирақолай, – деди Гулнор ийманиб.
–Шофер ухлаётган бўлса керак-да, – деди одам, – уни ўйғотиш тўғри бўлармикин?
–Мени олиб кетишидан хабари борми?
–Ха, хабари бор.
–Мумкин бўлса, мен уни ўйғотиб, илтимос қилсам, деди – Гулнор.
–Майли, хўв анови машина, – дея қўлини чўзди одам.
Гулнор баҳайбат юк камённинг зинапоясидан кўтарилиб, деразасидан ўтиргични орқага ётқизиб, ўхлаётган шофёрни кўрди. Ойнани уч-турт марта тақиллатди. Шофёр уйғонди.
–Соат неча бўлди?, – деди кўзларини укалаб у, – ухлаб қолибманми?
–Йўқ, бейафанди, соат ҳали беш. Мен эртароқ келишга мажбур бўлдим. Рухсат берсангиз машинага ўтирсам, бу ер мен учун хавфсизроқ бўлади, – деди Гулнор.
–Албатта, Гулнорхоним марҳамат, исмингизни тўғри айтаяпманми?, – шофёр.
–Тўғри айтаяпсиз, исмим Гулнор, фамилиям Кунбоева.
–Менинг отим Хасан Унорон – деди шофёр. Кейин тушиб камённинг орқа эшигини очди. Камёнга мебел тўлдирилган эди.
–Мана шу креслода ўтириб, дам олинг Гулнор хоним. Агар машина тўхтаса, сиз анов шкафга кириб яширининг, – деди шофёр.
–Хўп Хасанбей, ташаккур, – деди Гулнор.
–Арзимаиди, Гулнорхоним, мадомики ўйғондик, сизга зарари бўлмаса, йўлга тушаверайлик, – деди шафёр.
–Жуда яхши бўларди, тезроқ бу исқанжадан кутулай, – деди Гулнор. Йўл бўйича камён тўхтамади. Чимкентга етиб келишганида соат етти ярим эди. Камённинг эшиги очилганда Гулнор ухлаб қолган эди.

(Давоми кейинги бетда)

(Давоми. Боши олдинги бетда)

Дарров уйғонди ва ўрнидан турди.

Хасан:

–Хавотир олманг, Гулнорхоним, соғ-саломат Чимкентга келдик, – деди. Гулнор уст-бошини тузатди, кичик сумкасини кўлига олди, Хасанга ташаккурлар айтиб, у билан хайрлашди. Чимкентнинг сокин кўчаларидан юриб, биринчи дуч келган одамдан кўлидаги адресни кўрсатиб, у ерга қандай боришни сўради.

Ойдон, Али Мохир ва Ўғуз

Анкарада Америка саргузаштларини Салим бейга ҳикоя эта бошлагани, Салим Бейжон:

–Ўғуз бей, бир дақиқа сабр қилинг, Маҳмат хўжани ҳам чақирайлик, – деди.

Телефон қилди, Маҳмат хўжа Салимнинг бюросига тез етиб келди.

Саргузаштлар ҳикояси ҳаяжонли эди. Танаффусда Маҳмат Эрийгит Ўғузни чеккага тортиб:

–Гулнор шу ерда. Икки кундир пойтахт ўқитувчилар уйининг меҳмонхонасида яшайпти, – деди.

–Шундайми? Тинчликми, нимага келибди? – деди Ўғуз ҳаяжонланиб.

–Билмайман, аммо яхши нарсалар бўлмаганини сездим. Келган заҳоти сени кўриши кераклигини сўйлади.

–Ундай бўлса, Салим бейдан изн олиб тез борай, – деди Ўғуз.

“Ўқитувчилар уйи” фойесига Гулнор Анвар Мурод билан бирга эди. Ўғуз ҳар иккаласи билан ҳаяжон ичида кучоқлашди.

–Гулнор, тинчликми?, – деди кизга қараб.

–Хавотирланма Ўғуз, бу ерга келдим, энди тинчлик, ҳаммаси ўтди, – деди Гулнор.

Қисқача Ўзбекистондан қандай қочгани ва КГБнинг тазйиқларини айтиб берди. Сўнггида:

–Сенга бошқа айтадиганларим ҳам бор, – деди Гулнор.

Ўғуз бу ҳаяжонли қочиш воқеаси олдида Америка саёҳатини Гулнорга айтиб беришни кераксиз ҳисоблади. Анвар Мурод хайр-хўшлашиб ўрнидан турди.

Гулнор ўшанда Ўғузга ҳамма сирни тўкди. Тейиркан, Отаком, “кўзча” аппарати ва бутун ғаройиб нарсаларни айтиб берди. Агар бу ҳодисани Гулнордан бошқа айтиб берсаиди Ўғуз ишонмаган бўларди. Аммо бунга айтаётган севган кизи Гулнор эди.

Ўша кеча Ўғуз ухлай олмади. Унинг фикрича, Гулнор ўша дарахт тагида бир ҳафта давомида хушидан кетган бўлиши ва хаёлида ўша ҳодисани яшаган бўлиши мумкин эди.

ГУЛНОР (РОМАН)

Балки Қорлиғашевга айтган ўша боғли-боғчали уйда ҳақиқатан ҳам бир ҳафта қолиб кетгандир, деб ўйларди у.

Эртаси кун учрашганда Ўғуз бу фикрларини Гулнорга эҳтиёткорлик билан айтди.

–Йўқ, Ўғуз, бу хаёл эмас эди. Бунга хаёлий эмас, жисмоний яшадим. Қўлларимни сиқиб кўрдим, сочларимни торгдим. “Кўзча” деган аппаратга тегдим, – деди Гулнор.

–Кучли хаёл онда шундоқ ҳолатлар бўлади, – деди Ўғуз.

–Тушунмаяпсан Ўғуз, бу хаёл-паёл эмас, – деди Гулнор, – у боғчали уйни ҳам Қорлиғашевдан қутилиш учун тўкидим.

Ўғуз баҳслашишнинг фойдасиз эканлигини тушунди

–Майли, бунга вақтга ҳавола қилайлик. Маълум вақт ўтгандан кейин ҳамма нарса ойдинлашади, – деди Ўғуз.

–Сенинг менга ишонишингни ўйлагандим, Ўғуз. Янглишибман. Майли, сенинг айтганинг бўлсин.

Вақт келиб, менга ишонасан...

1993 йил охири ва 1994 йил баҳориди кўп воқеалар бўлиб ўтди. Ўғуз Салим Бойжоннинг таклифи билан, унга маслаҳатчи бўлиб, Анкарага кўчиб келди.

Ойдон Ори бир коқтейлда Ўғуз таништирган юзбоши Илкер

Демирга турмушга чиқди. Али Мохир “Америка” хужжатли филми учун бир банкнинг мукофоти билан тақдирланди.

Гулнор узун давом этган хужжат тайёрлаш марафонидан сўнгра

Турк фуқаролигига қабул қилинди. Салим Бейжон Эскишаҳар

йўлининг Афйон бурилишида уша Истироҳат Парки тамалини кўйди.

Ўғуз билан Гулнор 15 июн куни уйланишди.

Тўй янги тамали кўйилган Истироҳат Парки майдонида бошланиб, уч кеча уч кундуз давом этди.

Тўрт, олти, саккиз ва ўн устунли чодирлар қурилиб, ҳашаматли тўй бошланди. Тўйда Турк дунёсининг бутун ракс ансамбллари қатнашди.

Тошкент, Боку конференциялари иштирокчилари ўз рафикалари билан тўйга келишди. Ойдон эри билан кўз қамаштирарди. Али

Мохир ёрдамчиси билан тўйни бошдан оёқ суратга олди. Тўй сценарийсини Ойдон Ори таклиф қилганди.

Ўғуз ва Гулнор учинчи кечада олти устунли чодирга қирдилар.

Ўғуз обдаст олиб, икки ракат намоз қилди. Юксаклардан юксак

Оллоҳга шукрлар айтди. Исми кўркли Мухаммад Мустафога саловат келтирди.

Гулнор атлас келинлигини чиқариб, Ўғуз курмасдан кўрпага кирди.

Ўғуз намозини битириб, чодирнинг олдида чиқди. Одамлар тарқаб, сукунат чўкканди. Фақат осмонда

юлдузлар қолганди. Ўғуз энг олисдаги биттасига боқди, юлдуз кўз кисгандай бўлди. Чуқур нафас олиб, чодирга кирди Ўғуз. Қоп-коронғу эди. Аммо яшил кўзлар

ёстик узра чакнаётганди. Ўғуз севгилисининг ёнига ўтирди ва унинг сочларини силади:

–Сени нақадар соғинганимни биласанми, Гулнор, – деди.

–Мен ҳам йилларча шу онни кутдим, – деди киз.

–Биз мингларча йил аввал бир-биримизга ёзилган эдик, – деди Ўғуз.

–Аслида, биз сен билан ҳеч айрилмадик, сен билан бир бадан эдик, – деди Гулнор.

–Севгилим, ҳеч айрилмадик. Ҳеч айрилмаяжакмиз, – деди Ўғуз.

Ўғуз кўрпага кирди, севгилисини кучоқлади.

Гулнор:

–Тўхта, Ўғуз, – деди ва чирокни ёқди. Кўлида ўзбек ханжари бор эди. Ерга санчди, тупрокни картди ва:

–Ер каби қартилайин, тупрок каби соврилайин, ханжарим-ла тўғралайин, қиличимга санчилайин, ўғлим туғилмасин, туғилса ўн кунга етмасин агар Эрганаконни

кўрмасдан гўшангага кирар бўлсам!, – тантанали оҳангда.

Ўғуз саросимага тушди:

–Ундай дема Гулнор, бу ўйин эмас, биз уйландик сен билан, – деди кизнинг қўлларидан тутиб.

–Тўғри, уйландик, аммо мен ўйин ўйнаётганим йўқ, мен яшаётган ҳақиқатга сен ҳам инонмоғинг шарт.

Аксинча, орамиздаги севгига ҳар доим бир бўшлиқ бўлажак. Бунинг йўли Эрганоконни излаб топиш.

Менинг кўрган Эрганоконимни кўрсанг, менга ишонасан, – деди Гулнор.

Ўғуз:

–Хўп, Гулнор, аммо Эрганоконни қандай топамиз, – деди.

–Бу тўғрида кўп китоб ўқидим, Ўғуз. Олтой тоғларининг ичида бир ерда бўлиши керак. Бу биз учун ҳам илмий иш, ҳам спорт бўлади. Энг муҳими сен менга ишонажаксан, – деди Гулнор жиддий.

У кеча Олтой тоғларига қилинадиган сафар ҳақида тонггача суҳбатлашдилар...

(Давоми келгуси сонда)

КАСАЛЛИКЛАРНИНГ САБАБЛАРИ

(Давоми. Боши ўтган сонларда)

Гўшт

Барча ҳайвонларнинг ёш, эркак, қора ва ёғли бўлганлари танланиши керак. Елка, бел гўштлири билан суякка ёпишган гўшт янада ширин ва энгил бўлади. Ҳар бир ҳайвоннинг ўнг томонидаги гўшти чап томонидагига нисбатан лаззатли бўлади. Қизил кўйнинг гўшти қораники каби ширин, ҳазми эса янада энгилроқдир. Оқ кўйнинг гўшти энгил, қуланг кўйнинг гўшти эса оғир бўлади. Бир ёшли қора ва ёғли эркак эчкининг гўшти ширин ва энгилдир. Кўзи, улоқ ва бузоқ гўштлири энг яхши ва энг энгил бўлган гўштлирдир. Улоқ гўшти кўзи гўштира караганда энгилроқ ҳазм бўлиб, ундан оз қолдик қолади. Қуритилган гўштининг ҳазми оғир, аммо музлатилган гўштан яхши. Пайғамбаримиз (с.а.в.) от гўшти ейишга изн берганлар, аммо эшак гўштини истеъмол қилишни ман қилганлар. Аллоҳ таъоло “Анъом” сураси 146-чи оятда “Биз яҳудийларга тўғли ҳайвонларнинг барчасини ҳаром қилдик. Мол ва қўйларнинг - яғрини, ичаклари ва суякларига ёпишганлардан ташқари - ёғларини ҳам ҳаром қилдик”, дейлади. Яҳудийларга мол гўшти ман қилинганга кўра, уларнинг гўшт ҳазм қилиш қобилияти ҳам чегараланган ёки умуман йўқ. Олимлар қилган охириги тадқиқотлар буни тасдиқламоқда. Ҳақиқатдан ҳам қизил гўштни ҳазм қилишда қийналган ёки ҳазм қила олмайдиган кишилар борки, улар “А” қон гуруҳига мансубдирлар. Уларнинг ошқозони гўштининг ҳазмининг таъминлайдиган кислотани шунчалик кам ишлаб чиқаради-ки, ошқозон қизил гўштни парчалай олмайди. Масалан, Турк халқининг аксарияти (хусусан, Қораденгиз ва Эга бўлгасида яшайдиганлари) “А” қон гуруҳига мансубдир. Қораденгизлиларнинг кўпчилиги ич ёғи ишлатишса ҳам гўштни хушламайдилар. Пайғамбаримиз (с.а.в.): “Мол ва бузоқ гўшти узок вақт ейилса, пес (витилиго), псориаз, мохов, фил (бесўнақайлик) касаллиги ва бошқа кўп касалликларга сабаб бўлади”, деганлар. Бу оят ва ҳадисдан шу тушунилади-ки ошқозони кам кислота ишлаб чиқарганлар (“А” қон гуруҳига мансуб кишилар) мол ва бузоқ гўштини ҳазм қила олишмайди, фақат ошқозонда чиритишади. Чиритилган гўшт қолдиқлари майда томирларни тикиб, саратон (рак), мохов, псориаз, пес (витилиго), варикоз ва фил касаллиги (бесўнақайлик) каби касалликларни келтириб чиқаради. Шу сабаб қон гуруҳи “А” бўлганлар товук, курка (индук), каклик ва кўзи гўшти каби энгил ҳазм бўладиган гўштлир ва балиқ ейишса, мақсадга

мувофиқ бўлади.

Ёввойи гўштлирнинг яхсиси жайрон боласи гўшти ва қуён гўштидир. Қуён гўшти сийдикни кўпайтиради, буйрак ва қовуқдаги тошларни парчалайди (хусусан “В” ва “АВ” қон гуруҳлилар учун фойдалидир).

Мол гўшти инсон табиатига қаттиқлик, қўй гўшти эса юмшоқлик беради.

Мол, эчки ва туя гўштлирининг ҳазми қийин кечади. Аммо ошқозони кўп миқдорда кислота ишлаб чиқарадиган кишилар (қон гуруҳи “О” ва “В” бўлганларнинг ошқозони) бундай гўштлири энгил ҳазм қилади. Қурбонлик гўшти инсон танаси учун мукамал тозаловчидир. Ични кетказиши, иссиқликни кўтариб юбориши ва бўғинларни шишириши мумкин. Буларнинг барчаси қурбонлик гўштининг таъсирида юзга келган соғайиш белгиларидир. Гўшт сўйилганидан уч кундан сўнг қурбонлик хусусиятини, яъни шифо хусусиятини йўқота бошлайди. Балки шу сабабдан, Пайғамбаримиз (с.а.в.) аввалига қурбонлик гўштини 3 кундан кўп сақлашни ман қилиб, кейинроқ бунга изн берганлар. Гўшт эшитиш ва кўришни яхшилайдди, ақл ва вужудни кучли қилади. Қовурилган ёки печкада пиширилган гўшт қайнатилган гўштан қуруқ бўлади. Шунинг учун бундай гўштни кўкатли салат билан ейиш керак. Қалампир, дафна ёки арча барги, саримсок, пиёз, занжабил, тоғ жамбули, қоразир ва бундай пиширилган гўштининг озуқа қуввати кўкатлар билан бойийди. Гўштни нон билан эмас, кўкатлар билан ейиш керак. Шундай қилинса, гўштининг ҳазми осон кечади ва гўштни ҳазм қила олмаганларга зарари камайди. Бир ҳайвоннинг гўшти бошқа ҳайвоннинг гўшти билан ҳам, ёғи билан ҳам аралаштирилмайди. (Сабабини билиш учун “Сут” бўлимига қаранг.)

Гўштли овқат қилинганда гўштни ўз ёғида пишириш энг яхши усул. Чунки гўшт ўз ёғи билан бирга қулай ҳазм бўлади. Гўшт ўз ёғидан бошқа ҳайвон ёки ўсимлик ёғ билан бирика олмайди. Ҳайвонлар ёғи ҳам гўштсиз қулай ҳазм бўлмайди. Сосиска, колбаса каби қайта ишланган гўшт маҳсулотларини ейиш мумкин эмаслигига энг камида иккита сабаб бор. Биринчи сабаб - бу маҳсулотлар турли ҳайвон гўшти ва ёғлари аралашмасидан тайёрланади. Иккинчи сабаб - барча қайта ишланган гўшт маҳсулотларига қўшимча модда сифатида натрий нитрит ва натрий сульфит қўшилади. (“Қўшимча моддалар” бўлимига қаранг.)

Ҳайвон ёғи, хусусан, ич ёғлари ва куйруқ ёғи таом ва дори тайёрлашда, суяклари эса шифоли шўрвалар тайёрлашда ишлатилади. Қузда ва кишда - гўшт ейиш, баҳор ва ёзда - емаслик соғлиқ учун фойдали. Соғлом киши ҳафтада 1-3, ҳатто 5 мартагача гўшт ейиши мумкин. Пайғамбаримиз (с.а.в.): “Шубҳасиз гўшт таомларнинг сайиридир”, деганлар. Аммо Пайғамбаримизнинг (с.а.в.): “Узоқ муддат гўшт ейиш ва гўшт шўрвасини ичиш қайғу беради, қалбни қаттиқлаштиради”, деганлари ҳам маълум. Гўштининг тури билан бирга ҳайвоннинг қандай сўйилгани ҳам муҳим. “Аллоҳ сизга ўлакани, қонни, тўғиз гўштини ва Аллоҳдан бошқасининг номи билан сўйилганларни ҳаром қилди”. (“Бақара” сураси, 173). Аллоҳ (ж.ж.) бу наҳийни Қуръоннинг бир неча жойларида такрорлайди. Электршоқ бериб, кейин сўйилган ҳайвоннинг гўшти ўлакка ҳайвон гўшти билан баробардир. Фақат сабаблари ҳар хил. Бу шаклда сўйилган гўштининг зарарини тушуниш учун қуйдаги мисолни келтириш мумкин: мукамал усқуналар билан анжомланган бир шаҳарни тасаввур қилинг. Шаҳарнинг муодофаа тизими кучли, биргина компьютер билан бошқарилаётган бўлсин. Милионлаб кимёвий ва биологик токсин ишлаб чиқарадиган, генетик мутацияга учраган, ақл бовар қилмайдиган бутун қуроллар бу компьютерга боғланган бўлсин. Бу шаҳарни эгаллашни хоҳлаган ақлли киши, муодофаа тизимининг маркази бўлган компьютер билан муодофаа усқуналари орасидаги боғланишни кесиб, шаҳарни, унга зарар бермасдан, барча гўзалликлари билан қўлга киритади. Аммо ақлсиз киши тўғридан-тўғри компьютерни портлатишга уринади. Оқибатда, компьютер бузилиб, унга боғлиқ асбоблар бошқарувсиз қолиб,, шаҳар халқи жойлашган жойлар ҳаробага айланади. Халқ заҳарланиб, шишиб, ақлдан озиб ўлади, яраланади. Ва ишғолчиларнинг қўлида расвоси чиққан ҳароба, соғлиқка хавф солган, ўликларнинг лошига тўлган шаҳар қолади. Бу мисолда компьютернинг боғланиш жойини кесганлар тўғри ҳаракат қилди. Бу мисолни мавзуга тадбиқ қилсак, қассоб мияга кетган жон томир ва асабларни кесиш йўли билан ҳайвоннинг қонини оқизади. Бу ҳолда мия қонсиз қолиб бир онда ўлади, ҳеч қандай реакция бермайди. Аммо юрак қон ташқарига отилгунича ишлашда давом этади ва шу тарзда ҳайвоннинг гўшти қонда аралашган ва гўштни заҳарлаган барча моддалардан тазаланади.

(Давоми кейинги бетда)

КАСАЛЛИКЛАРНИНГ САБАБЛАРИ

(Давоми. Боши олдинги бетда)

Электрошок бериб, сўнгра сўйилган ҳайвоннинг гўштига келсак, электрошок ҳайвоннинг юрагини тўхтатади ёки дахшатли аритмияга судрайди, аммо мия ишлашда давом этади. Мия баданни тирик сақлаш учун безларни кўп миқдорда турли гормон ишлаб чиқаришга йўналтиради. Қон ҳаракатсиз бўлгани учун ичидаги токсин, гормон, қолдиқ, микроб, сассик газларни суяк ва бўғинларга, гўштга сиздиради. Шу тарзда гўшт ўлакка хусусиятини олади.

Юқорида кўрганимиз каби, Аллоҳ (ж.ж.) мол гўштини фақатгина яхудийларга манъ қилган, аммо ўлакка, қон ва тўнғиз гўштини барча инсониятга манъ қилган. Олимларнинг изланишларидан ҳеч бир жамиятда тўнғиз гўшти учун ҳазм тизими бўлмагани маълум.

Ҳар бир ҳайвоннинг ҳазм тизими ўзига хос бўлиб, ризки учун махсус яратилган. Шу сабабдан, ҳайвонлар фақат ўзларига хос ризкларни ҳазм қила олишади.

Табиий озикланган ҳайвон соғлом бўлади, унинг гўшти, ёғи, суяклари тоза бўлади. Аммо бугунги ҳайвонлар фабрикаларда тайёрланган гормон, антибиотик, сунъий протеин, витамин ва бошқа ГМ таркибли қўшимчалар қўшилган емлар билан ва гени ўзгартирилган махсулотлар билан озикланмоқда. Ҳатто вақти ўтиб кетган, бузилган ва аралаш таом қолдиқлари, вақти ўтган чипс, печенье, кекс, шакар ва шунга ўхшаш нарсалар бозорлардан йиғилиб, ҳайвонларга ем сифатида берилмоқда. Натижада, инсон каби касалланган ҳайвонлар, инсон каби оғир даволанишни бошламоқда. Даволанган ҳайвон гўшти, ёғи, суяклари юқорида айтилган фойдалардан маҳрум бўлиб, соғлиқ учун хавф туғдирмоқда. Шу сабаб, суяк, ёғ, жигар, буйрак, юрак ва миясини истеъмол қилаётганда юқоридаги ёмон таъсирларга учрамаган ёш ҳайвоннинг гўштини танлаш керак.

Клонланган ҳайвонларнинг гўшти ва сути илк бор 2007 йил баҳор ойларида АҚШ бозорларида сотила бошланди. Бу ҳайвонларнинг гўшт ва сутлари анчадан бери баъзи учинчи дунё давлатларида арзон нархларда сотилаётган эди.

Расмийлар клонланган мол, чўчка ва эчкилар мавзусида бераётган баёнотларида бундай ҳайвонлардан олинган махсулотлар ҳар қуни истеъмол қилинаётган нормал озик-овқатлар билан айна сифатдалиги ва уларнинг ҳеч бир зарари йўқлигини айтишмоқда. Шунинг учун клонланган ҳайвонлардан олинган махсулотлар (гўшт, сут ва ёғлари) бозор ва дўконларда бемалол сотилмоқда.



Устига-устак, олимлар бу махсулотларнинг этикеткасида уларнинг қай йўл билан олинганини ёзиш шарт эмаслигини айтишмоқда. Клонланган ҳайвонлар устида иш олиб бораётган олимлар йиллар давомида ранг берувчи, аромат, ширинлаштирувчи, гўшт ўрнига синтетик протеин каби сунъий озукларни истеъмол қилиш мумкинлигини ва синтетик таомларнинг инсонларга ҳеч қандай зарари йўқлигини илгари суришмоқда. Ҳолбуки, натижалари бутунлай тадқиқ қилинмагани учун бу махсулотларнинг берадиган моддий зарари ханузгача аниқ эмас. Фақат маънавий зарари маълум: “Нисо” сурасининг 118-119 оятларида айтилган усул билан етиштирилган ҳайвонларнинг гўшт ва сути харомдир. (“GMO” бўлимига қаранг.)

Товуқ

Табиий озикланган товуқнинг гўштини еса бўлади, ёғи таомлар учун қўлланилади. Фақат гормон, антибиотик, витамин ва бошқа кимёвий дорилардан тайёрланган, қўшимчалар қўшилган емлар билан етиштирилган товуқ гўшти, тухуми ва ёғини истеъмол қилиш тўғри эмас. “В” ва “АВ” кон гуруҳларига мансуб кишилар товуқ гўшти табиий бўлса ҳам, товуқ гўштининг ҳазмида қийналишади. Товуқ гўштида улар учун зарарли протеин мавжуд. Бу протеин метаболизмани секинлаштиради, иммунитет тизимини заифлаштиради ва касалликларни қўзғатади. Хўрознинг яхшиси - ҳали қичкирмагани, товуқнинг яхшиси эса ҳали тухумга кирмаганидир. Жамбул, қоразира, чиннигул ва шивит билан пиширилган хўроз гўшти бўғинлар оғришига, газ, ошқозон ва ичак яллиғланишларига фойдалидир. Товуқ гўшти ақлни кучайтиради, манийни орттиради.

Товуқ еми:

Бугун товуқ еми сифатида гени ўзгартирилган макка, ловия ва бугдой каби қишлоқ-хўжалик махсулотлари қўлланилади. Бундан ташқари, товуқ емига сунъий протеин, витамин,

энзим, гормон ва антибиотиклар, бузилишнинг олдини оловчи моддалар (формальдегит ва нитрат-нитритлар) ва бошқа қатор қўшимча моддалар қўшилади. Тухум сариғининг янада сариқ, пўстлоғининг рангли бўлиши учун емга ранг берувчи Е161 (xanthophyl) ҳам қўшилади. Xanthophyl устида қилинган тадқиқотлар охирига етмаган ва инсон соғлиги учун зарари аниқланмаган. Фақат бу моддага товуқ ёғида ва тухумида дуч келинади. (“Қўшимча моддалар” бўлимига қаранг.)

Тухум

Тоза (янги) табиий тухумнинг оқи хомлай ичилганида захарланишни, овознинг хириллашини тузатади. Протеин, бойитилмаган ёғ ва минерал таркибли тухумни ҳамма ейиши мумкин. Олиб борилган тадқиқотлар натижасида янги тухумнинг юрак касалликлари ва юқори холестеринга алоқаси йўқлиги аниқланди. Энг яхши тухум табиий озикланган, эндигина тухум қўйишга бошлаган товуқнинг 1-3 кунлик тухумидир. Ҳафтада 1-2 марта тухум ейиш кифодир. Фақат тухум ейишни ёқтирадиганлар ҳафтада 3-5 марта табиий тухум ейишлари мумкин. Янги тухумни хомлай, қовуриб ёки 3 дақиқа қайнатиб ейиш фойдали. 5 дақиқа қайнатиб еса ҳам бўлади, бундай тухум аллергия бермайди. Аммо 5 дақиқадан кўп қайнатилган ва 10 кундан ўтган тухум зарарли ҳисобланади. Унли махсулотлар ёки бисквит каби ширинлик махсулотларида қўлланилган тухум кукуни, пастеризацияланган тухумлар ва музлатгичда ойлар давомида туриб қолган тухумларнинг протеинлари қон айланишига ўғиб, оғир захар каби ишлай бошлайди, буйрақларни сустлаштиради ва танага кучли аллергия реакция беради. Тухумнинг янгилиги қуйидагича билиш мумкин: Янги тухум тузли сув ичига солинса, у идиш тубида ётган ҳолда туради. Тузли сувда тик турган тухум - ўртача, сув юзида қалқиб турган тухум - бузилган бўлади. Янги тухумнинг оқи шаффоф, сариғи ёйилмаган ва эластик ҳолда бўлади. Эскирган тухумнинг ҳаво бўшлиғи катталашган бўлиб, ичи бузилади, бундай тухум силкитилганда овоз чиқаради.

Ойдин СОЛИҲ

“Ҳақиқий тиббиёт” китобидан
(Давоми келгуси сонда)

“Эркин Юрт” интернет-газетаси
Мустақил манбааларнинг
маълумотларидан фойдаланилди.
Масъул муҳаррир
Камолитдин Йўлдош